


ԻՆՉ ՏԵՍԱՅ

ԻՆՉԴԱՍԱՄԻ ԵՐՃԱԿԱՅՅԻ ԱՇԽ

9008

ՏՐԱԶ ԵՐՈՒՍԵԼԻ



910.4

6 - 95

910.4
G-95

10 NOV 2011
L413




ԻՆՉ ՏԵՍԱՅ

ԻՆՉՎԱՍԱՆԻ ԵՐԱՎԱՆԻ ՄԵԶ



9068

ՏՐԱՋ ԵՐՈՒԱՆԴ



2645



ՀՐԱԶ ԵՐՈՒԱՆԴ



29166-61

ԴԵՊԻ ՊՕՄՊԵ

Ա.

Բէնինսուլըր էնտ Օրիէնքըլ Ընկերութեան — ժողովրդականացած անունով Բ. էնտ 0.ի — Նարքնտա չոգենաւն է որ այս անդամ զիս պիտի տանի «խորհրդաւորութիւններու եւ հմայքներու» աշխարհը, Ծայրադոյն Արեւելք...:

Նարքնտա ծանուցուած ժամանակէն ութ ժամ ուշ կը մեկնի Մարսէլլէն: Անդլիական ճշտապահութեան դէմ կը խօսէր այդ անախորժ ուշացումը, ու ես յետոյ Կալկաթայի անդլիերէն թերթերուն մէջ պիտի կարդայի ատոր թագաւորութիւնը: Նարքնտայի ընկերութիւնը, որ Անդրացաւրութիւնը: Նարքնտայի ընկերութիւնը, որ Անդրական կառավարութեան հետ թղթատարական պայմանագրութիւն ունի, նման ուշացումներու դէմ Տէլ՛իի Ներկայացուցչական Տան մէջ բարձրացած բողոքներուն եւ մամուլի մէջ եղած քննադատութիւններուն կը պատասխանէ... «գէշ ածուխի» չքմեղանքով: Հանքագործներու անցեալ տարուայ մէծ գործադուլը հարկադրած է որ նաւային ընկերութիւնը գէշ որակով ածուխ գնէ դուրսէն, ու գէշ ածուխն է որ կը դանդաղեցնէ Բ. էնտ 0.-ի նաւերուն վագքը...:

Մեղադրելին, ուզեմն, անդլիացի բանուորներու մէծ գործադուլն է, որ ուրիշ ուր, նեղիչ ութ ժամուան բանտարկութեան կը դատապարտէ Նարքնտայի ճամբորդները, Մարսէլլի քարափին կից իրենց խուցերուն մէջ, մինչև, այն ատեն, սկսած էի մտածել թէ Արեւելքն է որ կը սկսի նոյն խակ այդ քարափներէն, Արեւելքը՝ անհոգութեան, դանդաղաշարժութեան եւ անճշտապահութեան: Ու ո՞վ կրնայ սկնդել թէ ճիշտը այդ մտածումը չէր...:

Հարաւային Թրանսայի ջինջ կապոյտով ու մեղմ, հաճելի օդով Յունուարի առաւօտ մըն է մեր նաւուն մեկ-

նումը։ Գունագեղ նկարագրականներու վարպետ զբողը հիանալի ու դրաւէն նիւթ մ'ունի Մարսէյլէն ելքին մէջ։ Իրապէս սքանչելի, առինքնող ընանկար մըն է Ձրանսական նաւահանգիստներու այդ թագուհին դէպ ի ծով յառաջացող շրջապատը։

Բայց ինչո՞ւ փորձեմ այդ վտանգաւոր գետինը, որ հազուագիւտ գրիչներու համար միայն ապահով է, ինչպէս գեղեցիկ ծովանկար մը կամ ոսկեչաղ վերջալոյս մը, հազուագիւտ վրձիններու համար . . . : Բնութեան կախարդաններուն անգութ ու վայրադ խաթարումը քի՞չ կատարուած է թուղթի եւ պաստափ վրայ . . . :

Նարքնայի ճամբարդները առ հասարակ Բրիտանացիներ են, Անգլիացի, Աւստրալիացի եւ Նոր-Զելանտացի։ Պատեհութիւն մըն է ասիկա ինծի համար մօտէն դիտելու մանաւանդ այս վերջինները որ աշխարհի թատերաբեմը եկան, մասնանաւորապէս, Մեծ Պատերազմ անունով մը-կըրտուած ամենասարիւոտ ողբերգութեան Տարտանէլեան Արարուածին մէջ, եւ եթէ Պոլիսը չի գրաւեցին — ու ո՞վ կրնայ երգնուլ թէ քաղաքական ամօթալի էնթրիկներ եւ ոչ-զինուորականներու սիսալ միջամտութիւններ չէին պատասխանատու այդ ճախողանքին — Կէլիալուփ մէջ ձգեցին անհամար գերեզմաններ եւ քաջութեան ու հերոսութեան անկորհչելի համբաւ մը։

Նոր-Զելանտացիներու ֆութ Պօլի խումբ մը կայ իրենց մէջ, որ Եւրոպա զացած է մասնաւոր մրցումներու մասնակցելու համար եւ հիմա իր հայրենիքը կը վերադառնայ։ Աշխարհի ոչ մէկ մասին մէջ, ոչ մէկ ժողովուրդի մէջ չեմ հանդիպած նոյնքան թիւով մարդերու որ ներկայացնէին Փիզիքական ուժի, առողջութեան եւ կաղմուածքի այնքան կախարդիչ պատկեր մը։

Բայց, հակառակ ասոր, ամէն անգամ որ աչքերս կ'իշնային այդ զլաւէն պատկերին վրայ, արսուու մը եւ վիշտ մը կը համակէին զիս, եթի կը մտածէի թէ Կէլիալուփ մէջ ասոնց նման հսկաներ էին որ հնձուեցան որպէս զի, «Աշ-

խարիը մարդկուք եան համար ապահով վայր մը դառնայ», մօտաւոր ասացուած քովը Ուոււարո Ռւիլսընի, մինչ, ափսոս, ամենաողբերգական իրողութիւնն է, թէ վերջին պատերազմը աշխարհը վերածեց մարդկութեան համար բուլովին վտանգաւոր վայրի մը . . . :

Ու Փիզիքական ուժն ու կատարելութիւնը միակ գեղեցկութիւնը չէին այդ մարդոց վրայ։ Ժպտուն, ընկերական, մաքուր եւ մանաւանդ քաղաքավար էին։

Եւ Փիզիքական ու հոգեկան այդ յատկութիւնները կը ցոլանային գրեթէ բոլոր Բրիտանացիներուն կազմուածքին, արտայայտութեան եւ շարժումներուն մէջ։ Միայն Անգլիացին քիչ մը աւելի սառն ու հպարտ երեւոյթ մը կը պահէ, միւնքերը աւելի տաք, աւելի մարդամօտ են։

Նաւը հազիւ քանի մը ժամով հեռացած է նաւահանգիստէն, երբ սրօրքի կազմակերպութիւնը արգէն լլացած եւ խաղերը իրենց լման թափին մէջ են։ Բրիտանացին՝ իր սիրական սրօրքով։ Ու ատիկա շատ բան կը բացատրէր անոր Փիզիքական առաւելութիւններու գաղտնիքներէն, եւ առիթ կուտար որ ես նախանձով եւ սքանչացումով դիտէի թէ ինչպէս կը վարուէին իրապէս քաղաքակերթ մարդիկ, ամէնչն փորձիչ եւ զրգուիչ հանգամանքներուն մէջ անգամ։

Խաղեր կային, ուր իրաւարարի վճիռին պէտք կար յաճախ, շահողը ճշտելու համար։ Տրուեցա՞ւ այդ վճիռը, կորսնցնողը այնքան կը ժպտէր, կը խնդար, «րքան շահողը։ Ոչ մէկ վէճ, ոչ մէկ տաքցած, բարձրաձայն խօսութիւն, ոչ մէկ խոժուած դէմք ամբողջ երկար ճամփութեան ընթացքին։

Ու ես, ակամայ, սրտի ճմլումով, կը ժտաբերէի թէ որքան ազմուկ-ժխորի, ծանր խօսքերու եւ քէներու առիթ պիտի գտնէինք, մէնք Հայերս, այդ խաղերուն մէջ, եթէ մէնք ըլլայինք Բրիտանացիներու տեղը, այս նաւուն վրայ։ Ա՛, եթէ մէնք ալ սորվէինք յաղթութիւն կամ պարտութիւն ընդունիլ հանդարտ ու ժպտուն սառնարիւնու-

թեամբ, եւ սորվէինք թէ բարեկրթութիւնն ու քաղաքա-
վարութիւնը անդիմադրելի հմայք եւ նուածողական զօ-
րութիւն ունին ընկերային աշխարհին մէջ, պատճառ պի-
տի չունենայինք թերեւս նախանձով դիտելու այս Բրիտա-
նացիները, որ քանի մը միլիոն են միայն, բայց թոյլ չեն
տար, որ «արեւը մարը մտնէ» հարիւրաւոր միլիոններու
իշխող իրենց դրօշակին վրայ...:

Մարսէյլէն Բօր-Սայիտ չորս օրուան այդ ճամբոր-
դութիւնը կ'անցնի առանց ամենափոքր տաղառուկի եւ
վատնուած վայրկեանի: Ծնթերցանութիւն, խաղեր, նը-
ւագ եւ պար՝ ոգեւորուած կը պահեն նաւուն մթնոլորտը,
որ իր բարձրագոյն ոգեւորութեան կէտին կը հասնի Բօր-
Սայիտ հասնելու վերջին զիշերը, շենդ եւ ինքնատիպ հա-
գուստներու պարահանդէլովը, պատուելու համար եղիպ-
տոս ցամաքող փոքրաթիւ ճամբորդները...:

Նաւը Բօր-Սայիտի նաւահանդիստը կը մնայ միայն
քանի մը ժամ: Բօր-Սայիտ ոչինչ պիտի ունենար յիշատա-
կութեան արժանի, ևթէ Արեւուտաքի եւ Արեւելքի դուռը
չըլլար եւ ճամբորդը առաջին անդամ չունենար դաղափա-
պէս յամառ եւ կալչուն:

Եւ ահա Սուէզը, ուրկէ գանդազօրէն կը յառաջնայ
նաւը, ճամբորդին աչքերը զբաղեցնելով հին ու նոր պատ-
մական յիշողութիւններով եւ բնանկարներով հետաքրքիր
եղերքներովը, իսկ միտքը սքանչացումովը Թրանսացի
հսկային, լէսէրի՝ որ յղացաւ եւ գլուխ հանեց կարմիր եւ
Միջերկրական ծովերու միացումը, եւ խորատեսութեամ-
բը անդիւցի քաղաքագէտներուն, որ իրենց թանկագին
սեփականութիւնն ըրին Փրանսական յանդինութեան եւ
հանճարին այդ գլուխ գործոցը, այսօր այնքան կենսա-

կան՝ Բրիտանական կայսրութեան պահպանման համար:
Ու կարմիր ծովը իր չորս օրուան հեղձուցիչ, անտա-
նելի տաքութեամբը... Յունուարին մէջ: Եթէ ինձ նման

այս ջուրերու անծանօթ ճամբորդներ անպատրաստ են եւ
աւելի կը տառապին անյարմար հագուստներու մէջ, Բրի-
տանացին այլպէս չէ: Սրունքներուն եւ կուրծքերուն ա-
ղատօրէն օդ չնչելու պատեհութիւն տուող հագուստը այլ-
եւս միայն կողջ իրաւունքը չէ... իսկ նաւուն տախտա-
կամածին վրայ շինուած արուեստական աւազանի մը մէջ,
յատկացուած որոշ ժամբորդներուն, լոգանք կ'ընեն այրերը,
կիները, փոքրերը...:

Այդ կարճ ու աղատաշունչ հագուստները ամէն ժամի
համար չեն, սակայն. Բրիտանացին, ամենատաք օդին
իսկ իրիկուայ ընթրիքին համար ինքինք կը բանտարկէ
աւանդական սեւ հագուստին մէջ, անձանաչելի դառնա-
լով ցերեկուայ պարզ, անսեթեւեթ մարդէն: Ու ես կը
մտածէի թէ ծայրայեղ պարզութենէ դէպ ի մեծաշուրք ձե-
ւականութիւն այս մէծ ոստումը կապ չունի^o արգեօք իր
քաղաքական նկարագրին հետ: Անձնական աղատութեան
սիրահար եւ ժողովրդապետական Բրիտանացին՝ նոյն ա-
տեն՝ այնքան յարդանք կը մատուցանէ իր թաղաւորական
Տունին եւ զայն կը պահէ այնքան վառքի եւ պերճանքի
մէջ, որքան պիտի ընէր ամենամոլեւունդ միապետական
ժողովուրդ մը...

Նաւուն վրայ ճամբորդները խօսուն կը դառնան. քի-
չեր կը պահեն իրենց վերապահութիւնն ու առանձնութիւ-
նը: Ճաշի սեղանին վրայ կողքիս նստած է երիտասարդ
եկեղեցական մը, հաւանօրէն նոր զուրս եկած դպրոցէն.
կ'երթայ Աւետարանը քարոզելու, «Հեթանոս»ներուն, թէ-
եւ իր հագուստէն զատ ոչինչ ունէր զինքը աշխարհական
ճամբորդներէն զանազանող...:

Ինծի ցոյց կուտայ ուրիշ սեղանի մը վրայ նստած Զի-
նացի ճամբորդ մը, եւ կ'ըսէ. «Այդ մարդը Հօնկ Քօնկ
կ'երթայ. չպիտի ուղէի իր կօշիկներուն մէջ ըլլալ», անդ-
կական ասացուածք մը՝ «անոր տեղն ըլլալու» իմաստը
տուող:

Ակնարկութիւնը չինական «վրդովուած ջուրերուն» մասին էր ու արտասանութեան շեշտին մէջ կախաղան գացողի մը հանդէպ զբացուած արդահատանքը յայտնի էր:

Սոսկումը, խորշանքը պատերազմէն. այդ սոսկումը եւ խորշանքը յետոյ, ուրիշ նաւու վրայ, պիտի լսէի Մեծ Պատերազմին մասնակցած, վիրաւորուած, օրերով կուրացած ու յետոյ բժշկուած Բրիտանական ենթասպայէ մը: Նոյնը՝ տարբեր նաւու մը Բրիտանացի մեքենալարէն...:

Բայց այդ բոլորը արդելք չեն որ Բրիտանական կառավարութիւնը, «խաղաղութիւնը եւ Բրիտանական կեանքերն ու ստացուածքները պահպանելու» արդարացումով ուժեր կերպոնացնէ չինական ջուրերուն մէջ, ճարածատող կրակին մօտ չոր վառող ամբարելու «անմեղ» երեւոյթով...: Ու այսպէս է ամէն կողմ, ժողովուրդներ կը սոսկան, կը խորշին պատերազմէն, բայց պատերազմի գործիքը, սպառագինութիւնը լառաջ կը տարուի կատաղի թափով...

Բրիտանացի եկեղեցականը կը մեզքնար Զինացիին, իսկ ևս մաքով՝ իրեն. նոյն օրը կարգացեր էի անդղիացի հեղինակի մը գիշեքը հնդկական գործերուն վրայ, որուն մէջ խօսելով քրիստոնէութիւնը Հնդկիներուն մէջ տարածելու աշխատութիւններուն մասին, յայտնապէս իրազեկ այդ գրովը կ'ըսէր. «Հնդկիներ քրիստոնեայ կը դառնան երբ սով կայ ու ցորեն կը ստանան: Անմիջապէս որ վերջ կը գտնէ այդ կացութիւնը, անոնք կը մոռնան, կը լքեն քրիստոնէութիւնը»: Այդ չ^շ արդէն պատմութիւնը միսիօնարական աշխատութիւններուն, մեղի աւելի ծանօթ շրջաններու մէջ ալ...: Զէ՞ որ Պարթըն և իր բարեկամները թուրքերն ալ քրիստոնեայ կը շինեն տարիներէ ի վեր, վերջ ի վերջոյ իզմիրի իրենց վարժարանին մէջ մղկիթ կառուցանել հարկադրուելով...

Որքա՞ն լաւ պիտի ընէին այս բարի մարդիկը եթէ մը նային իրենց տեղերուն մէջ եւ իրենց հոգեկան շնորհները

թափէին իրենց ժողովուրդին վրայ. այդ կերպով թերեւս յաջողէին վակիլ բերանը այն քիչ չատ զարդացած ու աշխարհ տեսած հնդիկ ճամբորդին, որ նաւուն վրայ, անկապ լեզուով մը, անգլիացի կնոջ թոյլ բարոյականին եւ զիւրահազորդութեան մասին իր արհամարհանքը եւ զրգուանքը կը յայտնէր, հիմնուելով իր փորձառութիւններուն վրայ...:

Կարմիր Ծովէն չէի կրնար հեռանալ առանց վշտագին վերյիշումն ունենալու Բախչի Բշխանեանին, այդ վայրուն հայ մտաւորականին, որ այս ջուրերուն վրայէն անցած էր մահամերձ եւ հիմա իր յաւտենական քունը կը նիւժէր Բօր-Ասուտանի օտար հողին մէջ:

Չեմ ուզեր բանալ այդ արիւնոտ էջը: Յարդանքի խորմրմունջ մը իր յիշատակին կը բաւէ: Աշխարհ պիտի շարունակէ այսպէս, թանկարգին կեանքեր պիտի կորսուեն, որքան տաեն որ ուրիշներու ազատութեան եւ իրաւունքներուն գաղափարը գեռ այնքան տկար ու անզօր է բաղդատմամբ իրենց ազատութիւնը, իրաւունքներն ու իշխանութիւնը արիւնով եւ երկաթով պարտադրելու վայրագի կերպին:

Այո՛, այսպէս պիտի շարունակուի, որքան տաեն, այս թէ այն գոյնի վերարկուեն տակ՝ մարդիկ ինքինքնին պիտի նկատեն անառարկելի եւ անվիճելի իրաւարարը՝ իրենց սկզբունքներու ճշմարտութեան եւ իրենք պիտի որոշեն եւ պարտադրեն իրենց գոյութեան եւ իշխանութեան անհրաժեշտութիւնը, ու այդ բարբարոսութիւնը՝ ազատութեան անունով, յեղափոխութեան անունով, ընդհանուրին եղանկութիւնը ապահովելու չքմեղանքով...:

Այդ տեսակ վայրագ ու հիւանդ հոգեկան վիճակի մը մէջ թրքական բանակալութիւնը կտրեց հայ մտաւորականութեան զլուխը. այդ վիճակին մէջ՝ ոռու յեղափոխութիւնը կտրեց իր մտաւորականութեան զլուխը: Այդ ճամբէն քալեց լէնին, այդ ճամբէն կը քալէ Մուսուլմանի...

Բայց դեռ աղասութիւնն ու հաւաքական երջանկութիւնը անհամար մզոններով հեռու են մարդկութենէն եւ խեղճ դատողութիւնն ու խիզճը ի զուր կ'սպասեն իրենց օրուան, յաջորդելու համար բանութեամբ ձեռք բերուած եւ խըստութեամբ պահուած ու կիրարկուած այդ իրաւարարութեան:

... Կարմիր Ծովի — ինչո՞ւ ոչ կրակէ Ծովի — ելքին վրայ է Ատէնը. դժոխքը իր տաքութեամբ աւելի մօտ եկած երկրին, եւ իր լերկ ու չոր բնանկարին տղեղութիւնը՝ գերազանցուած միայն տղեղութեամբը մարդկային այն խեշերանքներուն, որ աղտոտ, կիսամերկ, ու անբանի երեւոյթով՝ նաւուն վրայ կը թափնուին — մարախի պէս անհամար — թղթատարական պարկերը նաւակներու մէջ փոխադրելու համար:

«Խորհրդաւոր, կախարդական Արեւելք» — չքնազ գիւտը, ո՛չ, զատանցանքը՝ արեւմտեան հիւանդ ուղեղներու, իսկ ես, բոլոր սրատվս ու հոգիովլս բաղձանքը կ'ունենամ որ Արեւելքը, գոնէ ինձ համար, վերջացած ըլլար Եղիպտոսի մէջ. այդքան կախարդանքը բաւական էր, նոյն իսկ չափազանց շատ . . . :

Բայց այդպէս չի մտածեր Բրիտանացին, ու, «չ որովհետեւ բանաստեղծին ու վիխասանին նկարած կախարդանքներուն ենթարկուած է, այլ որովհետեւ այդ լերկ ու չոր, բնական թէ մարդկային տղեղութեան մէջ դտած է ուազմական դիրքը եւ Ատէն՝ դարձած է «գոհար մը Բրիտանական թաղին վրայ», ինչպէս ձիպրալթարը, Սուէզը, Սինկափուրը, Հօնկֆօնկը . . .

Տղեղութիւն թէ գեղեցկութիւն, «Արեւը պէտք չէ մարը մտնէ Բրիտանական դրօշակին վրայ»:

Ատէնի մէջ հրաժեշտ կ'առնենք Նարքնտայէն, որ հըլերը կ'ուղղէ դէպի Մայլադոյն Արեւելքի սրտին մէջ արեւմտեան կէտը, Աւստրալիա: Հնդկաստանի մամբուզ-

ներս կը փոխադրուինք Բէնիմատւլը էնու Օրիէնթըլի Ուէգմաք նաւը որ մեզ պիտի տանի Պոմպէյ:

Աւելի նոր, աւելի հանգստաւէտ եւ սրբնթաց է Ուէգմաքը, բայց Նարքնտան իր հետ տարած է ամբողջ կենդանութիւնը, ամբողջ ողեւորութիւնը: Այս նաւուն վրայ թէ քիչ ենք թիւով եւ թէ շատ հանգացու:

Ուշադրութիւնս կը գրաւէ «բնիկներու բաժանմունքը», հաստ, ամուր եւ փականքուած դուռով մը անշատուած «Ճերմակ մարդուն բաժանմում»ներէն: Միտքս կուգայ նման անջատումը երկաթուղիի եւ կայարաններու սպասաման սրահներուն մէջ Ռւաշնիթընէն դէպի հարաւ, որ զոյութիւն ունի այսօդ ալ, հակառակ գերեվարութեան չնջումին եւ սեւամորթներու աղատագրութեան:

Բայց Ամերիկայի հարաւայինցիին յամառութեան այդ խորհրդանիշը հին հարցի մը վերջին տկար արձագանդին պէս է, որ գատապարտուած է օր մը բոլորովին մարելու. այդպէս չէ Ուէգմաքի խորհրդանշանը, որ ըսկիպրն է հարցի մը, խոչոր, լուրջ հարցի մը, «Ճերմակ մարդուն» եւ «սեւ մարդուն» միջև։ Հնդկաստանի մամրութիւններով . . .

Ատէնէն Պոմպէյ չորս օրուան մամբայ է, բայց Ուէգմաք չաճատապարեր, ածուխ կը խնայէ, քանի որ տարինեց առաջ սկսած «սովորութիւն»ը թոյլ կուտայ իրեն զիշեր մը աւելի անցնել ծովին վրայ եւ Պոմպէյի նաւահանդիս տը իսարսիսել Ռւըբաթ առաւօտ։ «Գէ՞շ ածուխ» — ո՛չ, Արեւելքը գանգալաշարժութեան, անհոգութեան։ Ուէգմաք կրնայ առանց ինքինք չարչարթի օր հասնիլ, բայց ինչո՞ւ աճապարէ։ Այդպէս չէ սակայն, պատմութիւնը Աղլանտեանի վրայ, ուր նաւերը մրցման

մէջ են արագութեան եւ ճշտապահութեան նոր չափանիշ-ներ հաստատելու համար :

Երկար ժամանակ չի վատնուիր Պոմպէյի նաւահան-զիստին մէջ. անցագործի եւ մաքսի գործողութիւնները կը կատարուին արագութեամբ։ Մաքսատան մէջ անդամ մըն ալ կը տպաւորուիմ անդլիական քաղաքավարու-թեամբ։ Այդ տպաւորութիւնը իմ տկարութիւնս դարձած է։ Քաղաքավարութեան հմայքը կեանքը կը պայծառա-ցընէ . . . նոյն իսկ մաքսատան մէջ գոյքերու քննութեան ատեն։ Ընդունելու է թէ գիւրին բան չէ այդ չառ տհա-ձելի պարտականութիւնը կատարել տեսակ մը ներողու-թիւն խնդող եւ ժպտալից արտայայտութիւնով, որ ճամ-բորդին մէջ ստեղծէ հաճելի եւ գոհ արամագրութիւն։ Անդլիացի պաշտօնեան այդ հմայքը առուած է իր պաշ-տօնին։

Հաղիւ ոտքերս դուրս նետած մաքսատունչն, արեւա-դարձային Արեւելքը կը խուժէ վրաս . . . արեւու իր կիզիչ ձառագայթներովը եւ աղմկող, պոռչտացող մարդերու խուժանով մը։ Պայտականերս ձեռքէ ձեռք քաշքուած՝ ինքնաշարժի մը մէջ են արդէն, ու ևս կը հետեւիմ իրենց, առանց մտածելու, որոշերու ժամանակը ունենալու . . . Խորհրդաւոր, կախարդական Արեւելք . . .

Քանի մը վայրկեան ետք տեղաւորուած եմ Մէթէս-թիք հիւրանոցի իր անունին անհամապատասխան սենեակ-ներէն մէկին մէջ։ Հնդկաստան եմ ուրեմն, անցած՝ Հնդկաստանի գունչն — Տիր Կէյք ալ ինտիա կամարաձև գուռը, շնուրած Ուէյլզի իշխանին այցելութեան յիշա-տակը պահելու համար, եւ որ նոյն ատեն կը խորհրդա-նըց Հնդկաստանի մուտքը, — բայց ոչ մէկ սարսու Արեւելքան այդ խորհրդաւոր կախարդանքն եւ հմայ-քն։

Մէծէսթիքի լերկ ու անհրապոյր սենեակիս մէջ սի-կարիս փոշիին «Հանդատարան» կը փնտում եւ կը տեսնեմ թէ սենեակիս ամբողջ տարածութիւնը պէտք է անոր

Հանդստարան ըլլայ, ինչպէս թուղթի, լրագրի կտորնե-րուն ալ, երբ ուզեմ անոնցմէ ազատիլ։

Ու խորհրդաւոր, կախարդական Արեւելքի առաջնա-կարգ պանդոկներէն մին է Մէծէսթիքը, մէկը անոնցմէ, ուր պէտք է ապաստան փնտոէ «Ճերմակ մարդը» Հընդ-կաստանէն ներս մտնելու ատեն . . .

ՊՕՄՊԵՒ ՄԵԶ

Բ.

Առատ, անսպառ արեւի քաղաքն է Պոմպէյը, Փե-տրուարին, ու ևս կարեկցութեան զգացումով կը յիշեմ Բարիզի իմ բազեկամներս, իրենց անարեւ երկինքին եւ անվերջանալի անձրեւին համար, առանց զարմանալու ևթէ իրենք ալ նոյն զգացումով յիշեն զիս, լսած ըլլալով Այրեցեալ Գոտիի երկիրներու արեւին մասին։

Հնդկաստանի երկրարդ մեծագոյն քաղաքը — միւսը Կալկաթան — միայն այդ կիզիչ արեւու ճառագայթները չէ որ ունի արեւմուտքէն հասնող ճամբորզներուն հա-մար։ Իր խորհրդաւոր ծոցին մէջ — չէ՞ որ հիմա հմա-յիչ Արեւելքի մէջ ենք եւ հասկնալի։ Է որ ամէն ինչ խոր-հրդաւոս ըլլայ — կը պահէ ցեղերու այն աստիճան այ-լազանութիւն մը, որուն նմանը գիւռար թէ աշխարհի ու-րիշ ուեւէ մէկ քաղաքին մէջ գտնուի, եւ բնիկ տարրին անտանելի, անորակելի կեղաստութիւնը որ յետոյ պիտի տեսնէի թէ Հնդկաստանի ժողովուրդին մեծ առաքինու-թիւնն է եւ կը կազմէ յատկանիշը բոլոր քաղաքնե-րուն . . .

Պոմպէյի մէջ, Արեւմուտք եւ Արեւելք, Երոպա եւ Հնդկաստան բաժնուած են։ Ու ոչ ոք կը զարմանայ որ այլպէս է։ Արեւմտեան բաժինը չփեղութիւնը, մաքրու-թիւնը կը ներկայացնէ, Արեւելքանը, . . . բայց ինչո՞ւ կրկնել, երբ հմայիչ, խորհրդաւոր Արեւելքի առասպե-լին կառչողները այդ աննկարպելի խճողումին, կեղ-

տոտութեան եւ անախորժ հոտերուն մէջ պիտի յամառին հին, կախարդական Արեւելքի պատկերը երեւակայել եւ դրախտային ու անմահական բոյրերը չնչել...:

Ո՞վ կը հաւատայ, եթէ լսեմ թէ իրական չարչարանք է մէկ վայրկեան մոլորիլ եւ թափառիլ բնիկներու Պօմպէյին մէջ, ուր աչքերը անպայման պիտի հանդիպին մարդկային կեղասոս խեցերանքներու, որ կարմիր նիւթ մը կը ծամեն անվերջ եւ կը թքնեն անզգոյշ ամէն կողմ, քաղաքին տալով համատարած սպանդանոցի մը պատկերը, եւ ականչները պիտի լսեն քիթ եւ կոկորդ մաքուլու անձունի, անտանելի, սպաննիչ ձայնը:

Խորհրդաւոր, հմայիչ Արեւելք, բայց ժամանակ է որ այդ առասպելը վերջ դանէ, ու ատիկա նոյն խակ օգուտին համար այդ Արեւելքին, որ պէտք է համոզուի թէ ոչինչ կայ խորհրդաւոր ու դրաւիչ կեղասոսութեան, ծովութեան, տղեղութեան եւ տղիսութեան մէջ, թէ այդ փաղաքչէ ասացուածքին հեղինակը եթէ բանաստեղծին ու վիպասանին հիւանդ երեւակայութիւնը չէ, ուրեմն Արեւմուտքի քաղաքական ու տնտեսական միտքին խորամանկութիւնն է, Արեւելքը իր խորհրդաւորութեան ու հիւանքին մէջ քնացած պահելու համար...:

Գեղեցիկ է քաղաքին ևրոպական մասը, — Առիւծի բաժինը՝ ձեռմակ մարդու փոքր թիւին համար — մանաւանդ ծովուն վրայ նայող մասը, որ կ'երկարի մինչեւ Մալապար Հիւ, իրապէս գեղեցիկ եւ սիրուն այդ դիքը, ուրիշ կարելի է զիտել ամբողջ քաղաքը եւ ծովափը:


Այդաեղ է լոռութեան Աշտարակը, ուր փարսիները — Պօմպէյի ամէնէն հաջուսս եւ աղղեցիկ տարրը — կրօնական երկար ու պերճաշուք ծիսակատարութենէ ետք՝ իրենց մեռելները կը ձեն գիշատիչ թռչուններու, որ այդ մոայլ ու զաժան աշտարակին չուրջ հաստատեք են իրենց բնակութիւնը, մէջտ պատրաստ ըլլալու համար իրենց պարտականութեան...:

Անապատականի կեանք չէ եւրոպացին կեանքը՝

Հնդկաստանի այս առաջին քաղաքին մէջ. սրօրթ, պար եւ զրամ՝ աւելի առատ են քան որ իրենցմէ շատեր պիտի ունենային իրենց բնիկ եղկիրներուն մէջ։ Ու եթէ չըլլայ օդին սաստկութիւնը եւ հիւանդանալու երկիւղը՝ շատերու համար դրախտը գտնուած է երկրի վրայ։ Սայդ ձախողանքէն գէպ ի անակնկալ յաջողութիւն կտրուած ճամբան է Արեւելքը ոմանց համար, եւ հասկնալի է որ անոնք երախտագիտութեամբ յիշեն զիրենք ձախողանքէն խուսափեցնող այդ բաղդաւորութիւնը։ Վերադարձիս՝ խուսափեցնող վրայ Անդլիացի ճամբորդ մը Լոնտոն իր ընտանւուն վրայ Անդլիացի ճամբորդ մը Լոնտոն իր ընտանիքին մօտ կ'երթար արձակուրդով, բայց արցունքը միայն պակաս էր աչքերէն երբ կը պատմէր թէ իր կամքին հակառակ զինքը կը զրկեն, թէ չուզեր մէկ օրով իսկ հեռանալ Արեւելքէն, ուր իր Ընկերութիւնը առատ դրամ կուտայ իրեն, եւ կը տրմադրէ լաւագոյն ինքնաշարժքը, օգնականնեղը, ծառաները...։ Այդ Անդլիացին մէկն է միայն իր տեսակէն շատերու։

Պօմպէյի մէջ առաջին անգամ տեսայ թէ ինչ է «ձիւարշաւի մոլութիւն»։ Հասնելուս յաջորդ առաւօտը, նախաճաշի սեղանին վրայ, անծանօթ սեղանակիցս իր «բարի լոյս»ին յաջորդեցուցած էր այդ օրուայ ձիւարշաւին չուրջ ողեւորուած խօսակցութիւն մը, որ վերջացուց իր ինքնաշարժին մէջ ինծի տեղ տալու հրաւէրովը...։ Նախորդ Շաբաթ օրը 70 ուրբի կորսնցուցած էր, այս անգամ կ'ուղէր վերասացուած կորուստին վրայ բան մը բարդ գելով վերադառնալ։ Այդ չէ^o արդէն յոյսը խաղի մէջ կորսնցնողներուն, որ չի կորառիք, մինչեւ որ վերջին ճիւղը կորառիք, վերջին բէնին կորառիք։ Յաջորդ առաւօտ նախաճաշի տեսն սեղանակիցս նախորդ օրուան խանդավառութիւնն ու խօսելու տրամադրութիւնը չունէր, նոր կորուստով մը վերադարձէր էր ձիւարշաւէն...։

Այդպէս էր այդ օդերու Պօմպէյը. ձիերու մասին պէտք էր լսել եւ պատասխանել ալ, — եթէ լոռութեան իմաստութիւնը այդ նիմին առջականացնելու համար ծածկող հոգ ՏՕՀ. ԾՈԽ. ԾՈԽ. ԾՈԽ. ԾՈԽ. ԾՈԽ.



Քողը չըլլայ — ամէն «բարեւ»է ետք, ամէն հանդիպումի: Չեմ մոռնար, առաջին անգամ այցելու գայած էի «Համապէկ»ին — Ստեփան Յակորեան — Պոլսեցի ոսկերչին, իր «աղգային զգացումներու թելերուն վրայ եղանակ» մը փորձելու մտադրութեամբ:

Համապէկ, որ յետոյ պիտի տեսնէի թէ լաւ, բարի եւ տաք սպատի տէր Հայ մըն է, ինծի շատ քիչ առիթ տուաւ այդ «եղանակ»ը փորձելու. Աղա Խանի, Գալստանի, Թագէսսեանի եւ ուրիշներու այլազան ու այլանուն ձիերու օրն էր. այդ Զորեքարթի կէսորէն ետք նորէն ձիարշաւ կար. ի՞նչպէս կարելի էր ձիերէն զատ ուղիւն նիւթի վրայ խօսելու մեղքը գործել... Ու փոքր գրքոյի մըն ալ օդ-նութեամբ, ինծի համար կ'ոկսի ձիարշաւի դասախոսութին մը. եթէ... եթէ... եթէ...: Ա՛, կը հասկնամ, այդ «եթէ»ները եթէ իրականանան, ձիարշաւի սիրահար բացեկամս քիչ մը աւելի պարարտ քասակ պիտի ունենայ այդ իրիկուն: Բայց այդքան միայն: Ձիարշաւի «դասախոսութեն»էն ուրիշ բան չեմ սորված...:

Հայու անուն յիշեցի, ու բնական էր որ հետեւցուէր թէ Հայեր ունինք այս քաղաքին մէջ ու, իրականութիւնն է որ անոնց գոյութիւնը եւ ոչ թէ Արեւելքի ծիծաղաշարժ խորհրդաւորութիւնը կամ աշխարհի ըրջանը կատարելու փափաքը նետած էր զիս Հնդկաստան:

Փոքրաթիւ Հայութիւն մ'ունինք, բաղկացած Պօմպէ ծնածներէ, արեւմտահայերէ եւ Պարսկահայերէ: Այս բոլորին թիւը, մեծ, փոքր, 40-50ը չանցնիր:

Արեւմտահայերը առ Հասսարակ ոսկերչութեամբ կը դրագին, Պարսկահայերը՝ առեւտութով, իսկ Պօմպէ ծնած Հայերը, թիւով շատ քիչ, պաշտօնեայ են զանազան Հիմնարկութիւններու մէջ: Երկու արեւմտահայեր, Սվաճեան եւ կէվրէկ, ինքնաշարժի շատ յաջող գործեր ունին:

Աղգային հիմնարկութիւն ըլլալով՝ կայ միայն եկեղեցին, որ շնուած է չին, բարի Հայերու օրով, եւ այսօր ալ կը պահուի անոնց ձգած կալուածներու հասոյ-



ՊՈՎ ԿՐՈՍՊ ՆԿԱՐԾՈՒՅՑ ՎԵՐԱՊՈՊ

թով։ Քահանան Տէր Յովակիմ Բարսեղեան եւ Երաժիշտ
մը կը կազմեն ամբողջ պաշտօնէութիւնը։

Կիրակի օր պատարագ կար, Եկեղեցի դացի։ Կը մտա-
ծէի թէ քահանան եւ մէկ Երաժիշտ ի՞նչպէս պլատի հաս-
նին այն երկար արարողութեան որ Հայկական Եկեղեցիի
պատարագն է։ Գաղանիք չկայ. Երեք կամաւոր Երաժիշտ-
ներ շաղիկ հագած են եւ պատարագը տեղի կ'ունենայ լաւ
Երգեցողութիւնով։

Հաղորդութեան ատեն, Երկու թուխ աղջիկներ, սպի-
տակ հագուած, կը մօտենան հաղորդուելու։ Հա՞յ աղ-
ջիկներ են արգեօք Հնդկաստանի կլիմային եւ խառն ա-
րիւնի այդ գոյնը իրենց դէմքին վրայ . . . լաւ որ Օրէկօնի
դատարանին ընդէ. դատախաղը տեսած չէր ատոնք, երբ
կ'աշխատէր մեղ դուրս նետել ճերմակ մարդերու շար-
քերէն . . .

Աւելորդ մտածում, Եթովպիացի աղջիկներ են, որ
իրր ամենէն մօտ եկեղեցին, այնտեղ եկած են հաղորդուե-
լու։

Ուրիշ պատկեր մըն ալ ուշադրութիւնս կը գրաւէ. Երիտասարդ մը, Վաղարշակ Կոստանեան, նկարելու ո-
րոշ ձիրքով օժտուած, միսթիք, վերացած երեւոյթով,
աչքերը փակ, կ'աղօթէ, Երկար կ'աղօթէ, Երեմն ծունկի
եկած, Երեմն ոտքի վրայ։ Այդքան ջերմեռանդ աղօթք,
գժուար թէ Երուսաղէմի եւ Լիջմիածնի Միաբանները ը-
նէին, այս օրերուն, այդ վանքերու եկեղեցիներուն մէջ։

Այդ պատկերը կը զարմացնէ զիս ու այդ պատկերին
մէջ ես առաջին անդամ կը ծանօթանամ Պարսկահայու-
բնաւորութեան մէկ գծին։ Պարսկահայը կը սիրէ Եկեղե-
ցին, եւ կ'աղօթէ ջերմեռանդօրէն։ Այդ օրէն ետք, ես ա-
ռիթներ ունեցայ Հնդկաստանի ուրիշ քաղաքներուն եւ
Ճավայի մէջ տեսնելու թէ ինչպէս հասուն տարիքի Հա-
յեր կ'աղօթեն հին օրերու ջերմեռանդութեամբ եւ կ'աշ-
խատին իրենց փոքրիկներուն ալ փոխանցել հնաւանդ սէ-
րը եկեղեցիին եւ աղօթքին։ Տեսայ Հայեր, որ կորսնցու-

ցած են իրենց լեզուն եւ աղգութեան հետ իրենց միակ տեսանելի կապը եկեղեցին հետ պահպանուած կապն է։ Օրհնուած, չին, բարի Հայեր, որ իրենց գերեզմաններէն, մինչեւ այսօր ալ ծառայութիւն կը մատուցանեն իրենց աղգութեան, պատնէշ կանդնելով վերջնական ձուլումներու գէմ եւ հնարաւորութիւն տալով որ այդ պահպանուած կապը ամրանայ կամ փոխարինուի նոր աղգակներով, նոր գարթնումներով եւ նոր սէրերով . . . :

Զարթօնքի այդ խօսքն էր որ աղբողները պէտք էր լսէին հեռաւոր աշխարհներէ իրենց դաշած ձամբորդէն։ Լսեցին հաճոյքով, հրձուանքով, զոհունակութեամբ։ Պօմպէշի մէջ հայ սիրալ չէր մեռած եւ զգացումներու ու պարտականութեան շիտակ ձամբան ցոյց տալ՝ շատ զրծուար աշխատութիւն չէր։ Ազգային վերածնունդի սէրր մագնիսն էր որ կրնար իրեն քաշէլ ամէնքը, քանդելով սահմաններու պատուարները, քաղաքական դժբախտութիւնով կառուցուած եւ նեղմտութիւնով պահպանուած։ Հոգեկան հրձուանքի կարդը իմս էր, երբ կը տեսնէի թէ ինչպէս Հէնրի Մայքը, Պօմպէ ծնած, անդլիախոս Հայր, Կարապետ Արդար եւ Ներսէս Յարութիւնեան, Նոր Ջուղայիցի, Ստեփան Յակոբեան, Պոլսեցի եւ Լեւոն Ստնուեան, Սերաստացի, իրարու ձեռք կը սեղմէին Ազգային Վերածնունդին սատարող գործունէութեան մը մէջ սրտագին գործակցութեան փոխաղարձ խոստումնովը . . . :

ԴԵՊԻ ԿԱԼԿՈԹԱ

Դ.

Փետրուար 15-ի կէսօրէն ետք, Պօմպէի Վերթօրիս Կայարանին մէջ հրաժեշտ կ'առնեմ Տէր Բարսեղէն, Ներսէս Յարութիւնեանէն եւ այն պատուական եւ խորապէս Հայկական Արդար ընտանիքէն, Հայր, մայր եւ որդին Լեւոն — որոնք աղնուօրէն կայարան եկած էին ողջերթըսելու ինձի։

Քառասունըհինգ ժամուան երկաթուղային ձամբորդութիւնը, ինձ պէս ձամբորդութեան ոչնորեկի մը համար՝ երկար ձամբորդութիւն չէ, բայց այս մէկը յաւիտենականութեան պէս թուեցաւ ինձի, եւ երկաթուղիներու մասին ստեղծեց խորշանք մը, որ պիտի մնայ, մինչեւ որ անդամ մըն ալ իրացէս քաղաքակիրթ երկաթուղիի մը վրայ ոտքերս գնեմ եւ ձամբորդեմ քաղաքակիրթ, մաքուր շրջապատի մը մէջ ու այդ կերպով ջնջուի այդ ձամբորդութեան մղամանջային յիշողութիւնը։

Երկրորդ կարգի խուց մը, որ պէտք էր կանոնով եւ ծախուած տեղերով միայն հինգ ձամբորդ ունենար, իրծողուած էր այդ թիւին կրկնովը եւ այդ ալ չէր բաւեր, երկու բնիկ ձամբորդներ իրենց հետ բերած էին գիւղական խանութ մը մինչեւ բերանը լեցնելու չափ աղբանքի պարկեր, Հակեր, ամէն մէծութեամբ։ Ճամբորդի թէ բեռան խուց . . . Խորհրդաւոր, կախարդակա՞ն Արեւելք։

Այդ խեղդիչ խճողումին մէջ կ'սկսի դէպի ի Կալկաթա ձամբորդութիւնս։ Աչքերս ներսի տղեղութենէն աղատելու յոյսով՝ բաց պատուհանին աւելի մօտ կը պահեմ գըլուխս, բայց գէշ ածուխս ծուխը նահանջի կը հարկացրէ զիս, աչքերս վրկելու մտահոգութիւնով։ «Դեւին եւ խորունկ ծովուն միջեւ . . .»։

Գէշ չէ երկաթուղիին արագութիւնը եւ աւելի հանդըստաէտ պայմաններու մէջ յայսնի է թէ Պօմպէ-Կալկաթա ձամբուն վրայ գիտելու արժանի տեսարաններ կան, թէեւ անոնք չունին այն զմայլելի գեղեցկութիւնը որ ճիշտ այդ եղանակին Աղեքսանդրիոյ եւ Գահէրէի միջեւ երկարող տարածութիւնը ունի ձամբորդին աչքերուն համար։

Իրիկուան գէմ խուցը կը թեթեւնայ քիչ մը իր ձամբորդներէն, բայց ոչ . . . իր բեռներէն։ Այն երկուքը որ ամբողջ խանութի մը աղբանքը ունին իրենց հետ, կը մնան, եւ զարհուրելի բաղդ, սահմանուած են կալկաթայի համար։ Կայարաններէն մէկը ներս կը մտնէ երկաթու-

դիե պաշտօնեայ մը, կշիռքը ձեռքը, կանոնէ դուրս ծան-
լութիւններ «գանելու» համար:

Ա., կը հրճուիմ սրտովս եւ կ'սպասեմ անհամբեր
վայրկեանին, երբ գուրս պիտի նետուին այդ աղտոտ հա-
կերը, պարկերը եւ թերեւս... տէրերն ալ: Երկու երեք
հոգիի տքնաջան ճիգերով հաղիւ հակերէն մէկը տեղէն կը
շարժի, յաջորդաբար միւսները, կշուտելու համար, բայց
ո՞վ խորհուրդներու խորհուրդը, պաշտօնեան կը մէկնի
առանց դուրս թափելու զանոնք, եւ առանց յաւելեալ
ծանրութեան գինը գանձելու: Կախարդական Արեւելք.
փիդ մը միայն ու այն ալ քերեւս յաւելեալ ծանրութիւն
եւ շատ պիտի նկատուէր ճամբորդներու սահմանուած
այդ խուցին մէջ:

Գիշերուան հետ կը սկսի մէր իրական չարչարանքը,
միւս «Ճերմակ մարդ»ուն, Անդլիացիինը եւ իմս: Բանտի
մը մութ ու տմոյն խցիկին մէջ բանտարկեալ մը տոնէտ-
ներու ընկերակցութեամբ՝ աւելի գէշ ու դժուար ժամա-
նակ չունենար, քան որ մէնք ունէինք, մասնաւորապէս
այդ երկու անորակելիներուն ընկերակցութեան մէջ:

Ամբողջ գիշերը, եւ յաջորդ գիշերը, զղագարի եւ
լուսնոտի շարժումներով ու խօսություններով խանդա-
րեցին մէր քունը: Ամէն քանի մը վայրկեան անդամ մը
իրենցմէ մէկը ոտքի վրայ էր, կեղտոտ, գանելի տեսքով
թիթեղի ամանը ձեռքին մէջ, կը խմէր, կամ կը լուաց-
ուէր, իբր թէ ոչ ոք ներկայ ըլլար...: Եթէ վայրկեան
մը աղատութիւն տային այդ խեղճ ամանին, հաղուստի
տեղ ծառայող շղարչէ իրենց լաթերուն հետ կը զբաղէին,
կը քակէին, կը փաթթէին, նորէն կը քակէին...: Ու ա-
տենը մէկ տոպրակէ մը ուտելու կամ ծամելու բան մը
հանած՝ իրարու կը հրամցնէին:

Խեղճ անդլիացին իր անզօր վրէժը կը լուծէր ատենը
անդամ մը յուսահատական կատաղութեան չեշտով մը
կրկնելով. «Ասոնք մարդ չեն, կապիկներ են, կապիկներ.
նայեցէք, նայեցէք ինչ կ'ընեն...»:

«Մարդ չեն, կապիկներ են»: Այո, ճիշտ է. մարդիկ
խելք կ'ունենան, ինքզինքնին այդքան ատելի, անտանե-
լի անսարանի մը չվերածելու համար ուրիշներու աչքին:
Ասոնք կ'ընեն այն բոլորը, որ ծառերու, վրայ երկու կա-
պիկներ պիտի ընէին խնդուք հրաւիրելով: Բայց կարելի
չէ ասոնց վրայ խնդալով բաւականանալ: Զէ՞ որ «ապի-
տակ մարդու» եւ «սեւ մարդու» հարցը կայ, եւ իրա-
ւունքներու ու մարդկային հաւասարութեան վէճին մէկ
եղբը կը ներկայացնեն այդ երկու անորակելիները...»:

Ու վայրկեան մը այդ վէճը իր բովանդակ սաստկու-
թեամբ կը բացուէր ու կը շարունակուէր իր մէջ: Այո,
մարդիկ հաւասար են, ո՞վ իրաւունք ունի ինքզինք գե-
րադաս համարելու: Մարդիկ պէտք չէ անջատուին իրար-
մէ, պատուար ստեղծեն իրենց եւ ուրիշներու միջեւ, գոյ-
նի, ցեղական ծագումի եւ աշխարհագրութեան պատճա-
ներով: Այո՛, այո՛, մարդիկ իրաւունք չունին ուրիշներու
զանալու աղատութիւնը, ինքնիշխանութիւնը, եւ եթէ
ուժը իրենց ճեռքին մէջ դրած է այդ ուրիշներու աղա-
տութիւնը եւ ինքնիշխանութիւնը, պէտք է վերադարձը-
նեն զանոնք կամաւորապէս, առանց արիւնհեղութեան ու
դալիք անխուսափելի արիւնհեղութեան խուսափելու սի-
րոյն...»:

Անմտութիւն: Ի՞նչպէս կարելի է հաւասարութիւն ե-
րեւակայել, հաւասարութեան վրայ պնդել, հոն ուր ի-
րողութիւնները անհաւասարութիւն կ'աղաղակեն: Ի՞նչ-
պէս կարելի է չանջատուիլ, երբ մարդկային բնաւորու-
թիւնը բուռն կերպով կ'ընդվզի այդ կեղտուութեան ու
տղեղութեան հետ չնչելու հարկադրանքին դէմ: Ի՞նչպէս
կարելի է աղատութիւն ու ինքնիշխանութիւն տալ մար-
դուն, որ վստահօրէն ատոնց հետ պիտի վարուի այնպէս,
ինչպէս երախայ մը իր ճեռքին մէջ դրուած սուրի մը
հետ, որուն կտրելու, մեղքներու յատկութեան անդիտակ
է: Ո՛չ, ո՛չ: Ի դուր է անկարելին կարելի դարձնելու ճի-
գը...»:

Այսպէս է ազատութեան, հաւասարութեան եւ մարդկային իրաւունքներու Խորհուրդին եւ Փիլիսոփայութեան եւ իրողուրիւններուն բուռն վէճը իմ ներսս, եւ ևս վարանիմ, երբորդ գէմքի, դասաւորի գերը կատարել եւ վծիռը արձակել ի նպաստ մէկին կամ միւսին, սկզբունքներուն կամ իրողուրիւններուն:

Սրդարութիւնը՝ սկզբունքներուն, բարձր ու քաղցր հնչող սկզբունքներուն հետ է անտարակոյս. գործնականութիւնը եւ հնարաւորութիւնը՝ իրողութիւններուն հետ: Ո՞ր հասու սուրն է որ մէկը միւսին զոհ պիտի մասուցանք:

Համբերութիւն: Սուրի հարց չէ: Ժամանակը, լաւ գործածուած ժամանակը այդ իրողութիւնները պիտի կամ զանոնք հլու, հնազանդ գործիքներու վերածէ սկզբունքներուն համար, արդարութեան համար:

Ու ժամանակը իր գերը սկսած է կատարել արդէն, թէեւ անհամբեր հոգիները զրդող դանդաղութեամբ: Մեր խուցին մէջ կայ տեղացի երիտասարդ մըն ալ, հազուած «սպիտակ մարդ»ուն պէս, կը խօսի սպիտակ մարդուն լիզուն, իր շարժումներուն մէջ ոչինչ կայ վանողական, եւ աւելին՝ ցաւադին ու ամօթապարտ հաւանութիւնով մը կը լսէ «սպիտակ մարդ»ուն որակումը՝ իր արենակիցներուն մասին.— «Մարդ չեն, կապիկ են...»:

Ու «սպիտակ մարդ»ը սկսած է իր տուրքը վճարել այդ փոխուած իրողութիւններուն: Քանի մը տարի առաջ, Հնդկաստան երկար ապրողները կը պատմէն, Հընդիկը երբ հեռուէն նշմարէր դէպի զինք յառաջացող «Ճերմակ մարդ»ը, պէտք էր ծունկի զար ճամբուն մէկ եղերքը, աչքերը խոնարհեցնէր գետնին եւ այդ գիրքին մէջ մնալ մինչեւ որ ճերմակ մարդը դար ու հեռանար իր մօտէն:

Այդպէս է երէկուան պատմութիւնը: Այսօր այդ Հընդիկը, փոխուածը, եւ իր արենակիցը, «կապիկը», երբ դրամը ունի, «Ճերմակ մարդ»ուն հետ կը ճամբորդէն

նոյն խուցին մէջ, ու աւելին՝ փոխուած Հնդիկը կառավարական պաշտօնեայ է, ու իր պէս հիմա շատ շատեր կան, որ աստիճանաբար կը գրաւէն «Ճերմակ մարդ»ուն պետական ու հանրային գիրքերը, բանակ մը անգործներու հարց ստեղծելով՝ Հնդկաստանի մէջ; ինչպէս կայ Անգլիոյ մէջ:

Այսօր «սպիտակ մարդ»ը ինքնազսպումով եւ հանդարտութեամբ կը դիմէ ինքնավարական այն ձգտումն եւ շարժումը, որ Հնդիկին «Առարածի» կուսակցութիւնը կը մշակէ ու կը յառաջացնէ:

Այսպէս, ժամանակ եւ փոխուած իրողութիւններ թէ արտօրանք եւ զարհուրելի արիւնահեղութիւն, հաբցման կէտն է որ կախուած կը մնայ Հնդկաստանի գլխուն: «Սպիտակ Մարդ»ը, յայտնապէս, իր բաղդը նետած է առաջին նժարին մէջ, եւ գժուար է արդարութիւնը զլանալ իր ներկայ գիրքին. «Սեւ մարդ»ը որոշ ճակատ չունի. իր «Ճայլայեղ»ները թոյնի պէս կ'ատեն «սպիտակ մարդ»ը եւ պիտի ուղին ձեռնոցը այսօր նետել, կոխի ելքին մասին իրենց վստահութիւնը կապելով «մէկի գէմ հազարներուն» որ «սպիտակ մարդ»ուն եւ իրենց թիւերուն համեմատութիւնն է. «խելօք»ները նուազ չեն ատեր «ատելի Բրիտանացին», նուազ սէր չունին Հնդկաստանը՝ Հնդիկներուն նշանաբանին, բայց գիտակցութիւնն ունին իրենց տկարութեան: Հազարները մէկի գէմ, ճիշտ է, բայց ի՞նչ կ'արժէն բիբերով զինուած բիւրաւորները՝ օգանաւերէն տեղացող կրակներուն եւ զնդացիրներէն արձակուած զնդակներուն գէմ: Յետոյ կայ իրենց ներքին բաժանումը. անմարելի ու կատաղի թշնամութիւնը «Հնդիկին եւ Մահմետականին» միջեւ որ ամէն օր արիւն կ'աղաղակէ, արիւն կը խլէ եւ «բերդը ներսէն կը քայլքայէ»:

Անկողմնակալ դիտողի մը համար մէկ եղբակացութիւն կայ: Որպէս զի «սպիտակ մարդ»ուն նահանջն ու անձնատուութիւնը վերջնական ըլլան, ու «սեւ մարդ»ը ինքնիշխան գառնայ, այդ «սեւ մարդ»ը պէտք է փոխէ

այն զարհուրելի համեմատութիւնը որ կարդացողներու եւ անուաներու, զարդացածներու եւ տղէտներու թիւերը կը ներկայացնեն — մէկի դէմ հարիւր հազարներ : Հնդիկ զանգուածներու անտանելի տղիսութեան բազմաթիւ ապացոյցները արձանագրուած էին Հնդկական գործերու նույիրուած տարեկըքի մը մէջ : Անոնցմէ հատ մը ամենէն աւելի յատկանչականն էր . Հնդկական նամակատուները տարեկան հարիւր հազարներով նամակներ կը ձգուին . . . առանց ո՛րեւէ հասցէի : Տղէտ միամիտ շընդիկներ կը կարծէն թէ իրենց նամակները տեղ կը հասնին, քանի որ իրենց մտքին մէջ գիտեն թէ որու զրկած էն : Պէտք է փոխուի այս իրականութիւնը, առանց տառը, սպիտակ մարդուն անժամանակ նահանջն ու անձնատուութիւնը եթէ հրաշըով տեղի ունենան, պիտի նշանակեն այսօրուան հանդուրժելի օտար իշխանութեան տեղ՝ վերահաստատումը ամենաչնչին փոքրամասնութեան մը բոնակալութեան, տղէտներու անհամար միւլիոններու վրայ եւ անզատրաստ երկրին վերադարձը՝ դէպի միջնազարեան մթութիւն :

... Քիչ մը երկար տեւեցին այս խորհրդածութիւնները, բայց անոնք հնարաւորութիւն կուտան որ ընթերցողները իրենց աչքերէն հեռացնեն պատկերը այն երկու անորակելիներուն, Անդիմացիին «կապիկ»ներուն, որոնց ներկայութենէն, մոռնալու չէ, թէ ազատելու յոյս չկայ մինչեւ կալկաթայի կայարանը :

Ամէն ճամբորդութիւն, որքան ալ երկար, բարեբազդար վերջ մունի եւ ես կալկաթայի կայարանին մէջ երկաթուղիէն դուրս կը ցատկեմ բանտէն արձակուած մարդու անհամբերութեամբ եւ հրճուանքով . . . :



ԿԱԼԿԱԹԱ

Դ.

Կայարանէն հիւրանոց բաւական երկար ճամբայ մընէ որ կը կտրէ ինքնաշարժը, ինձի պատեհութիւն տալով թուչող ակնարկէն աւելին նետելու Հնդկաստանի առաջին քաղաքին վրայ : Կալկաթան ալ, Պօմպէյի պէս, երկուքի բաժնուած է . Եւրոպականը՝ խոչոր, շքեղ եւ ճաշակառոր շէնքերով ու լայն փողոցներով . Հնդկականը՝ նեղ, կեղտոտ փողոցներով եւ խեղճ ու կրակ շէնքերով : Մըրջիւնի նման վիտացող բազմութիւնը աւելի միատեսակ կը թուի սակայն . չկայ Պօմպէյի բազմութեան, մանաւանդ զլիսանոցի այլազանութիւնը, որ հազուստի(?) միւս կտրներէն աւելի կը յատկանչէ ցեղերու զանզանութիւնը : Կովի ոտքի ձեւով, սեւ ու ողորկ, տարօրինակ զլիսանոցը որ Փարսիին գլուխը կը ծածկէ իր կրօնական հաւատալիքին իբրեւ մէկ խորհրդանշանը, եւ որ այնքան շատ կը տեսնուի Պօմպէյի մէջ, հոս գրեթէ գոյութիւն չունի :

Քաղաքին մէջտեղը շատ ընդարձակ դաշտ մը կայ . Կալկաթայի արդարացի պարծանքը . այդ դաշտին վրայ կը նային Հայու սեփականութիւն կրէնս մեծադիր, շքեղ հիւրանոցը, եւ Քանթինէնքը, որուն վարձակալ-վարչը Հայ մըն է : Վերջինին առջեւ կանդ կ'առնէ ինքնաշարժը :

Հիւրանոցին վարիչը հայկական զիմագծով, համակրելի եւ խօսելու տրամադիր մարդ մըն է . Մէք ձան — տուկէ ետք «մնաք բարով» հայկական անուններ, «անդկացուած» են բոլորը, գրեթէ բոլորը, Մէք, Մարթին, Սթիֆլոն, Կրէկըրի, Արագուն, Տէյլիտ . . . :

Մէք ձան կը հրաւիրէ զիս իրենց հետ առնել կէսօրուայ ճաշը, ընտանեկան ճաշասենեակին մէջ : Խոչոր սեղնին չուրջ, իրարու ետեւէ կուգան իրենց աթոռները

գրաւել հինդ վոքրեր, չորսը տղայ, մէկը աղջիկ, հօրը ծանօթացումին վրայ «Ընթառ»ին հետ ձեռք սեղմելէ ետք:

Սիրուն, հաճելի տեսարան մըն է, երիտասարդ դոյդ մը, շըջապատուած՝ հինդ սիրուն եւ խօսութուսուն փոքրերով: Բայց հայերէն չէ խօսակցութիւնը. անդիբէրէն կը խօսին: Ու ատիկա կը մթազնէ այդ պատկերին պայծառութիւնը՝ ինձ համար: Միայն, Մէք ձան, ատենն անդամ մը հայերէն կը խօսի ինձ հետ, իր Զուղայերէնը: Մի զարմանաք, Զուղայերէնը առանձին հայերէն մըն է, ինչպէս Զէյթունցինը, Ղարապաղցինը, Հաճընցինը, ևս ժամանակ կ'առնէ մինչեւ որ մարդ Զուղայերէն խօսկցութեան գոնէ կէսէն աւելին հասկնալու վարժութիւն ձեռք բերէ:

Պարտութեան զգացումի ամօթը չարչարանք կ'ստեղծէ ինձ համար: Ահա ընտանիք մը, այլ թէ կին, կրնան խօսիլ հայերէն, կրնան իրենց զաւակներուն սորվեցնել ըներ որ իրենց զաւակները խօսին հայերէն:

Ու Մէք ձան ընտանիքը բացառութիւնն ալ չէ եղեր, ափսո՞ս. Կալկաթայի բոլոր տուները, հազուադիւս բացառութեամբ, այլպէս են: Ու ցաւը միայն Կալկաթայի մէջ ալ չի վերջանար: Վարակած է Հնդկաստանի միւս քաղաքներն ալ, ուր Հայեր կան:

Ինչո՞ւ ըստել այդ մարդոց — ատեցէք ազգասիրութիւնը, եթէ կ'ուզէք, իրը հին մոլուսթիւն, հին մեղք — թէեւ շատեր շատ շատեր ատոր մէջ պիտի շարունակեն սիր այն մեծ ամբաստանութիւնէն, թէ տկար, անզօր մարտիչներէն շլացած, ուրիշներով հմայուած, կ'ուրանան կել ուրիշը, իրացնելով ինչ որ ուրիշնն է:

Մայսնի լիզուն չղիտնալ, չխօսիլ՝ այդ ուրացումն է: Լեզուն եթէ մարդու մը ամբողջ հոգեկան էութիւնը

չէ, այդ էութեան գլխաւոր գարբնիչներէն մէկն է, իսկ ժարդ չի կրնար ըսել թէ իր ազգութեան հետ իր կապին շափանիչը լիզուն չէ, երբ այդ ազգութեան ամենաթան-կապին սեփականութեան հանդէպ սէր եւ յարգանք չունի:

Տկարութեան վաստ, պարտութիւն...: Ու եղեւակայել որ հայր համբաւուած է իր գիմազրական ուժով, իր զօրաւոր անհատականութիւնով...: Այդ պարտութիւնը՝ կ'անդրագաղանայ անհատին վրայ, կ'անդրագաղանայ հաւաքականութեան վրայ, գժրախտաբար:

Հաւատացէք պարզապէս կը տառապէի երբ սիրուն, խելացի հայ փոքրիկներ կը խօսէին նոյն իսկ հնդկերէնը, բայց իրենց խելացի, ազուոր աչքերը յանկարծ զարմացած եւ կորսուած արտայայտութիւն մը կ'ունենային, երբ հայերէն հարցում մ'ուղղուէր իշենց:

Մե՛զը, արիւնը ծնողքներուն գլուխն է, որ իրենց զաւակները կ'առաջնորդեն դէպի պարտութիւն, դէպի ի «առանց ծագումի մարգու» ողորմելի գիրքը, ինչպէս Անկօննդիկներն են, խառն ամուսնութեան ծնունդ եւ ուրացուած բուն Անգլիացիներէն, ուրացուած ու արհամարհուած բուն Հնդկիկներէն...:

Ու մինչեւ այսօր ալ չեմ կըցած բացատրիչ եւ չքմհդիչ պատճառներ գտնել Հնդկահայուն պարզած այդ տըխուր իրողութեան համար: Արեւելեան այն բոլոր երկիրներուն մէջ ուր կրօնքը պատռար եղած է եւ բնիկները աւելի մեծ իմացականութիւն եւ հետեւաբար քարչութիւն չեն ունեցած, հայ ժողովուրդը պահած է իր ազգութեան բոլոր յատկանիցները:

Հնդկաստան այդ տեսակէտէն չի զանազանուիր միւս Արեւելեան երկիրներէն:

Անգլիակա՞ն ազգեցութիւնը, ուրեմն: Բայց ո՞ւր կը տեսնեն Անգլիացին երեսը. բուն, զարիւն Անգլիացին կը պահպանէ իր հայացտ առանձնութիւնը, ու նոյն իսկ իր ակումբներուն թոյլ չի տար որ անդամակցին ուրիշներ եւ այդ կերպով շփման գան իր հետ:

Կալկաթայի մէջ առաջին ճաշս այսպէս, զիս բերած էք մէր «Հնդկական Հարց»ին հետ երես երեսի, ինչպէս երկաթուղիի ճամբորգութիւնս Անդլիացիին «Հնդկական Հարց»ին հետ : Հետեւանքներու եւ տարրութեան տեսակէտէն համեմատութիւններ չկային ի հարկէ երկուքին միջեւ, բայց մէրինը աւելի խորունկ ու մէծ վէրքը կը բանար իմ մէջս : Այնքան քիչ ենք, այնքան, որ մէկ հոգի ոչ թէ կորուստը, այլ տկար, պակաս սէրը անդամ զգալի կ'ըլլայ աղքային գոյութեան կոխին մէջ : Ու ափսոս, ոչ թէ մէկ հոգի, այլ հարիւրներ պիտի տեսնէի կամ կորուստի եւ կամ «տկար, պակաս սիրոյ» ճամբուն վըրայ :

Այս խորհրդածութիւններու ճնշումին մատնուած դուրս կը նետուէի հիւրանոցէն ուրիշ հայերու դէմքը տեսնելու, ձայնը լսելու վակագով : Ու դիսուածը հարերէ Օննիկ Գովանին : Զէկ գիտեր թէ Գովան կալկաթա կը գտնուէր, եւ այդ հանդիպումը ունէր այն զգայնութիւնը, որ կ'ըսեն թէ կ'ունենան անապատին մէջ ճամբորգները, աղրիւրի մը գլուխ հասնելու ատեն :

Կը նայինք իրարու եւ այդ նայուածքներուն մէջ կայ թէ ուրախութիւն եւ թէ տիրութիւն : Վայրկեանի մը մէջ աչքիս առջեւ կուգայ Պոլիսը, Հայկական Պոլիսը, այն որ իր վրայ ծանրացող մահացու, արիւնոտ մզաւանջէն, եւ մինչեւ 1922 ստացաւ լման ու չքեղ ծաղկի մը բոլոր գեղցկութիւնն ու հրապոյըները, եւ այդ տարուայ վերջը կամներ»ու դաւաճանութենէն :

Օննիկ Գովան գերազանցապէս հայկական կեանքի այդ ծաղկումի օրերուն հանրային աշխատաւորներէն մէկն էք, ժողովուն, ընկերական, խանդապառ եւ աշխատասէր :

Զերմեռանդօրէն նուիրուած էր հայ սքառութիւններու եւ մարդկիններու հոյակապ շարժումին, նոյնքան չերպառանդ ու գեւորութիւնով կը մասնակցէր Հայրենիքի Օդուութեան Մարմնի Հայաստանի համար թափած մէծ ճիղերուն, եւ նոյն ատեն գաղտնիք մը չէր թէ Հայ Տրամաթիք Խումբը երբ իրարու ետեւէ Փրանսական նոր կաորներ կը բեմադրէր, Բըթի Շանի թատրոնին մէջ, որոնց մէջ իրը ասող կը փայլէր տաղանդաւոր եւ չնորհալի հայ արուեստագիտութիւն Տիկին էլիզ Գովան, այդ կտորները դուրս եկած էին Օննիկ Գովանի թարգմանչական գրչէն :

1922-ի մահացու հարուածը հայկական այդ չքեղ վերածնունդը խղզեց եւ աշխատաւորները նետեց աշխարհի ամէն կողմը : Այդ համեստ ու արժէքաւոր աշխատաւորներէն մէկն էր, որ Եւրոպայի մէջ աքսորանքի առաջին տարինները անցնելէ ետք՝ իր ուռքերը գրած էր, տարիէ մը ի վեր, Կալկաթայի այրող հողին վրայ, Ալբեցեալ Գօտիի կիզիչ արեւուն տակ :

Նոյն ցաւագին վերյիշումները՝ անոր աչքերուն մէջ եւ կը խօսինք երկար, կարօտով, տեղեկութիւններ փոխանակելով այդ անմռանալի տարիններու աշխատաւորներու մասին, որոնցմէ երկուքին, Երուանդ Օտեանի եւ Քրիստի մահուան յիշատակութիւնը վայրկեան մը տիրութեան լուսութիւնը կը հարկադրէ մէր վրայ :

Օննիկ Գովան ժամապրութիւն կուտայ ինձի այդ իրեկունն իսկ հանդիպելու «Հայաստանոցի» ընտանիքի մը : Կ'ընդունիմ ժամապրութիւնը, բայց նախ բացատրութիւնը «Հայաստանոցի» բառին, որուն արտասանուելու ձեւը յայտնի էր թէ սովորականէն տարբեր իմաստ մը կը պարունակէր իր մէջ :

Եւ ահա այդ տարօրինակ բացատրութիւնը . Կալկաթայի մէջ չորս տեսակ հայեր կան .— Կալկաթուալանիերը, անոնք որ Կալկաթա ծնած են եւ հայերէն չեն խօսիր, Զուղայեցիները, անոնք որ Զուղա ծնած են եւ եթէ յիսուն

տարի ալ անցուցած ըլլան կալկաթայի մէջ, չեն ուզեր որ շփոթուին կալկաթուալաներուն հետ։ Հպարտութեամբ կը լիշեն Զուղան իր իրենց անզուգական ծննդավայրը, Զուղայերէն կը խօսին երբեմն, զգացնելու համար թէ ի-րենք տարբեր են «ապազդայնացած կալկաթուալա»ներէն։ Գիւղայիները, անոնք որ նոր Զուղայի քաղաքին մէջ ծը-նած ըլլալու մէ՛ծ առանձնաշնորհումէն զրկուած են։ Զու-ղայեցին երբեք չի մոռնար անմիջապէս ճշտել սխալը, եթէ մարդ անդիտակցօրէն Զուղայի մէկ զիւղացին հա-մար ալ Զուղայեցի ըսէ։ Ո՞չ, «ան Զուղայեցի չէ, զիւ-ղացի է»։ Յետոյ կուգան Հայատանցիները. այդ տեսա-կին մէջ են ատացին երեքին չպատկանող բոլոր հայերը, Երեւանցի հայը, Պաղտատ ծնած հայը, Պոլիս կամ Վան ծնած հայը . . . :

Գիծերը, այս չորսին միջեւ, շատ որոշ կերպով քաշ-ուած են. չորսորդ տեսակին մէջ կ'իյնայի ուրեմն ես, Հա-յստանցի էի, եւ հետաքրքիր էր ինձ համար թէ ինչի՞ նման էր «Հայատանցի Ընտանիք»ը Հնդկաստանի մէջ։ Ցերեկին տեսած էի երկրորդ տեսակը, Զուղայեցին, որ եթէ Զուղայի գրօշակը կը պահէր Հպարտութեամբ, բայց անզգալիօրէն իր զաւակները կեցուցած էր այն վիճին բե-րանը, ուրիէ վազ գլորուած էին արդէն Կալկաթուալա-ները։ Ինչի՞ նման էր, «Հայատանցի Ընտանիք» . . . :

Բայց այս հետաքրքրութիւնը պէտք է սպասէ իր ժա-մանակին. մինչեւ իրիկուն բաւական ատեն կայ։ Ընթեր-ցողն ալ ինձ հետ կրնայ սպասել եւ հիմա ժամանակն է որ ինձ հետ ծանօթանայ Կալկաթայի ինքնատիպ մէկ դէմ-քին, Մեսրով Սէթեանցի, անոր՝ որ աշխարհի վրայ եր-կու պաշտամունք ունի, — թերեւս երեք — Գրաբարը, Նոր Զուղան եւ . . . Մեսրովը Թաղեադեանցը։ Թէ դլաս-ւոր երկու պաշտամունքներէն ո՞ւ մէկը աւելի զօրաւոր է Մեսրովը (ուշադրութիւն, գրաշա՞ր, սխալ չի շարես անունը) Սէթեանցի մէջ, դժուար է ըսել։ Մէկ բան գի-

տեմ որ Հնդկաստանի Հայութեան մասին Անգլիերէն Պատմութեան հետաքրքրական գիրքի մը այդ հեղինակը իր յօդուածները թոյլ կուտայ որ Հրատարակուին միայն թերթին մէջ, որ կը համաձայնի իր երկու անտեղի-տալի պայմաններուն. առաջին, յօդուածը գրաբար պիտի ըլլայ, երկրորդ, ստորագրութեան հետ ոլէտք է երեւայ անիսուսափելի «Նոր Զուղայեցի»ն . . .։ (Երջանիկ, նա-խանձելի նոր Զուղա, եթէ միայն բոլոր հայերը նոյնը զգային Հայաստանի մասին . . .)։

Այս ծանօթացումը գաղափար մը կուտայ Կալկաթա-յի հայ մտաւորականին հետ առաջին խօսակցութեանս վը-րայ. կը խօսի գրաբարին մասին, կը խօսի յուզումով, յափշտակութեամբ, արբշունքով. յանկարծ կատաղու-թիւն մը եղեւան կուգայ ձայնին եւ աչքերուն մէջ գրա-բարի թշնամիներուն դէմ։ Լաւ որ գրաբարի հիացող եթէ չեմ, թշնամի ալ չեմ . . . այդ զայրալից աչքերուն ետեւ կարելի էր տեսնել պատկերը մարդու մը, որ սուրբ ձեռ-քը՝ անխնայ եւ առանց խղճի ամենափոքր խայթի պիտի կոտորէր գրաբարի բոլոր թշնամիները եւ անդամ մըն ալ հաստատէր գրաբարին թագաւորութիւնը . . .։

Սրտերնիդ թող զող չելլէ, գրաբարի թշնամիներ, Մեսրովը Սէթեանց կը խօսի, բայց չի սպաններ։

Մ. Սէթեանց ուրիշ առաջինութիւններ ալ ունի սա-կայն, աշխատասէր է, ուսումնասիրող է, եւ եթէ Զու-ղայեցին զատ լաւ ու իրական Հայու մը գոյութիւնը խոս-ունվանիլ իրեն համար չամար մէծ չարչազանք է, բայց ունի աղդային բուռն նախանձախնդրութիւն եւ պատուախընդ-րութիւն, ինչպէս կ'երեւնայ իր անգլիերէն հրատարա-կութիւններուն եւ գասախօսութիւններուն մէջ։

Մինչեւ երեկոյ գեռ ժամանակ կայ, ծանօթանանք ու-րիշ տեսակի Հայու մը հետ, հաջուստ հայու մը, Յովհան-նէս Գալստանի հետ։ Իմ առանձնաշնորհում (?) չէ ե-ղած ուրիշ երկիրներու հայ հարուստներու տուներէն

ներս ոտք նետել, բայց ինձ կը թուի թէ ասիկա տարբեր տեսակի հարուստ մըն է. ուրիշ եղիկերներու միլիոնատէր հայեր կրնան աւելի միլիոններ ունենալ, ինչպէս Կալիս-թայի մէջ կան. ուրիշ հարուստներ, որ ունին, բայց Գալլստանն է որ կ'ապրի Միջնադարեան գուշտի մը վիպական ըլջապատովն ու ձեռովր:


իր գղեակին կամ պալատին — չէք սիալիր ո՞ր մէկն
ալ երեւակայէք — դուբափ դոնին հաղիւ ոտք կոխած՝ այդ
տարբեր տեսակ կեանքի տպաւութիւնը կ'սկսի. Երեք
խոչոր եւ զեղեցիկ շունել պտոյտի հանուած են, շունե-
սուն երկուքը մէկ մէկ ծառայ ունին, Երբորդը՝ Երկու
ծառայ . . . : Առաջին զարմանքու: Օննիկ Գովան, որ ինձի
կ'ընկերանայ, կը նկատէ եւ կ'աւելցնէ. — «Պալատանի
Երեսունըհինդ ձիերէն իւրաքանչիւրը ծառայ մ'ունի . . . »:
Պատահէւ:

Պալատէն ներս... բայց ինչո՞ւ ըսեմ տպաւորութիւններս ու տեսածներս, որպէսզի անդա՞մ մըն ալ չեւտըւի հարսառութեան եւ պերճանքի հետ իմ անծանօթութիւնն...:

Ու ահա մարդը, որ տէրն է այս բոլորին եւ Միջնադարեան Դուքսի մը կեանքը կ'ապրի: Փոքր կազմով, 60-ի ժօտ, բայց ծերութենէ դեռ բաւական հեռու, Յ. Գալստան, կ'ընդունի մեղ շատ քաղաքավար, բարեկիրթ ու համեստ մարդու մը պարզութեամբ ու ծերերովը: Կ'ուրախանամ. Հարստութիւնը չէ դարձուցեր զլուխը, ինչպէս կ'ընէ եղբեմն, ուրիշներու, որ այդ կերպով իրենց մարդկային պատկերը կը կորսնցնեն եւ զգուելի, խոտելի, անանուն կենդանի մը կը դառնան:

Հետաքրքրական է խօսակցութիւնն ալ եւ ես անոր մէջ կը գտնեմ փաստեր, նպաստոր գաղափար կազմելու համար իր մտքին եւ սրտին մասին:

Խօսակցութեան ընթացքին՝ ներս կուգան անդլիացի տիկին մը եւ պարոն մը եւ Ձեզմ բառելով չնորհակալութիւն կը յայտնեն Հայ Հարուստին որ իր ընդարձակ եւ



գեղեցիկ վարքը տրամադրած է երկու աղջկանց վարժարաններու ուսանողութեան մրցախաղերուն :

Մաքղային տկարութիւն կոչէք, ինչ կոչէք, այդ տեսարանը ուրախացուց զիս եւ տեսակ մը հպարտութեան զգացումով լեցուց . յիսուն տարի առաջ՝ Զուղայէն գաղթականի ցուպով Կալկաթա հասած հայ տղան տեսնել այդ գիրքին մէջ՝ լաւ բան էր : ինչպէս լաւ բան էր, յետոյ տեսնել իր անունը կըսդ հակայ շնչափեր, որ ամբողջ փողոցներ գրաւած են . եւ լսել թէ . . . Անգլիոյ գահաժառանգը Հընդկաստան այցելութեան առեն, Կալկաթայի մէջ, միայն հայ Գալստանին անձնական հյուրն եղած է, թէ ամբողջ Կալկաթայի մէջ հազիւ մէկ եղկու ուրիշներ ալ կան որ իրենց ինքնաշարժի անխւին վրայ անգլիացի մեքենավարի մը պերճանքը կը թոյլատրեն ինքզինքնուն . . . :

Այդ բոլորը լաւ, շատ լաւ : Բայց Գալստանէ առաջ՝ Արգարներ ալ եղած են, որոնց նաւերը այդ անունը եւ հայկական անտեսական հանձարին համբաւը պատցուցած են ծովերոն վրայ : Բայց այսօք չկան Արգարները եւ նաւերը ծախուած են անգլիական ընկերութեան : Այսօր Գալստան կայ, վաղը՝ Արգարներու պատմութիւնը պիտի կրկնուի :

Եւ այդպէս է, ու այդպէս պիտի ըլլայ, որովհետեւ Հնդկաստանի հայ հարուստները եթէ բաղդաւոր ժամանակներու մէջ խելացիութիւն, յանդկնութիւն եւ աշխատասիրութիւն ունեցած են հարստութիւն ձեռք բերելու համար, իրենց մէջ պակսած են զործը կազմակերպելու եւ յաւերժացնելու կարողութիւնն ու ձգտումը, պակսած է իրենց զաւակները, արենակիցները մարզելու եւ գործին շարունակութիւնը անոնց վստահելու յատկութիւնը :

Եւ այսօք Հնդկաստանի հարիւրաւոր տարիներէ ի վեր համբաւուած հայ հարուստին ճրագը մարելու մօտէ, որովհետեւ բաղդաւոր, ոսկեղէն ժամանակները անցած են եւ իր անկազմակերպ, անհատական եղանակը չի

կրնար իր շունչը պահել կաղմակերպութեան մրցումի ժանրութեան տակ:

Անհատ հարուստին անհետացումը ցաւ չպիտի պատճառէր ոչ ոքի, վստահ եմ դոնէ ինծի չպիտի պատճառէր. բայց անպայման ցաւ կը պատճառէ այդ անհետացումին մէջ յայտնուած այն փաստը թէ ազգերու կեանքին ամենամեծ կուներէն մէկին, տնտեսականին մէջ, մեր զէնքերը չունին այն զօրաւոր եւ հասու յատկութիւնները, որ կը կարծէնք թէ ունին: Իսկ իրողութիւն է թէ նոյն իսկ . . . համայնավար ըլլալը չի յաջողիք մարդը կոյր դարձնել այն արժէքին, որ տնտեսական ուժը ունի եւ ճակատագրական դեր կը կատարէ ազգի մը քաղաքական բաղդին վրայ անդամ:

Բայց կը հեռանանք . . . հրաժեշտ առնենք այս հայ հարուստէն, որ եթէ ազգային մեծ, լաւ ու տեւական գործի մը պատմութիւնը կապած չէ դեռ իր անունին, իր սակաւթիւ դասին լաւագոյն մէկ ներկայացուցիչն է սակայն, ունի հանրային ողի եւ իր հետաքրքրութիւնը վառէ ազգային կեանքին եւ շարժումներուն մասին: Ով գիշերեւս ժամանակ ունենայ համոզուելու թէ ձիարշաւի իր ձիերը, իր դղեակը, իր շնչերը, Անգլիոյ գանը պիտի պահեն յաջորդ սերունդներուն համար, այլ այսօր կատարուած լաւ, մեծ գործ մը՝ Հայաստանի մէջ, ազգային գոյութեան մեծ կուին համար:

Հարսուութիւնը անմահանալու ամէնէն դիւրին մէկ միջոցն է, եթէ միայն այդ բաղդաւոր մարդիկը դիւնան օգտուիլ այդ միջոցէն, եւ խուսափին մոռացութեան և անէծքի այն ահաւոր դաստավճիռէն, որ հանրային նպակ'արձակուի, ինչպէս եղաւ այդ օրերուն, երբ հողը կ'իւցուէր հարուստ Սթիֆընսի մարդինը ու յայտնի կ'ըլլար թէ Ազգային Վերածնունդը եւ ազգային պէտքերը ոչինչ կ'ստանային անոր թողած միլիոններէն:

Ու հիմա «Հայաստանցի լնտանիք»ը: Հնդկաստանի ճամբորդութեանս տպաւորութիւնները դրելու անսովոր փորձութիւնը զգացած վայրկեանէս՝ մտքիս մէջ եղած է արդարութիւն ընել այդ հայ ընտանիքին, որ կը կրէ հայ պատմական սիրելի անուն մը, Արշակունի, եւ ունի իր ալ սեփական պատմութիւնը, ժամանակակից պատագրական եւ յեղափոխական ճիգերու ըրջանէն:

Բայց նախ ներկան: չորս հոգի են, երեք Արշակունի եւ մէկ Հայկազունի. Տիկին Արշակունին երկու շատ շընորհալի, կրթուած եւ ազնիւ զաւակներով, իր նուարդով եւ Հրանտով, իսկ Հայկազունին՝ իր բարի եւ տաքսիրտ հօրաքոյրը, որ «Հօրաքոյր» անունով ճանչցած եւ այդ անունով կանչած են ամէնքը, այն աստիճան որ ինք ալ մոռցած է իր անունը . . . :

Բարեկրթութեան, ջերմութեան եւ անկեղծութեան մթնոլորտ մը կը տիրէ այդ պատուական ընտանիքէն ներս եւ կը տպաւորէ առաջին հանդիպումին իսկ: Եւ այդ մըթնուրուը հայկական է, խօսք չկայ: Հայերէնը կը խօսուի, ինչպէս պէտք է խօսուի: Նուարդ եւ Հրանտ, Հնդկաստան ծնած, անդլիական բարձր վարժարաններէ գուրս ելած, բայց տունին մէջ կը խօսին մաքուր հայերէն, առանց ճիգի, առանց նեղութեան: Կարելի է եղեր, ուրեմն, Հնդկաստան ծնիլ, եւ թէ՛ լեզուն պահել, թէ ազգային գիմագիծը . . . :

Եւ խօսակցութիւնը կալկաթայի շուրջ ալ սահմանափակուած չէ. ազգային կեանքը, ազգային շարժումները ուրիշ վայրերու մէջ անծանօթ չեն իրենց: Խօսակցութիւնը ներկայէն աստիջանաբար կ'երթայ անցեալին, մօտիկ, արինոտ անցեալին, երբ հայ յեղափոխութիւնը միամիտ ու խանդալաւո՛ կը յուսար թէ մէկ քանի յանդուզն ու անձնուրաց ժեսթեր եւ հարուածներ պիտի բաւէին բըռնակալութիւնը գետին նետելու եւ աղասութիւնը կորպելու:

Տիկին Արշակունի, այն ատեն ինքն ալ 0ը. Հայկազունի եւ «Հօրաքոյը» գործակցութիւն ունեցած էն յեղափոխականներու հետ, զէնք, ոռոմք, եւ վտանգաւոր թղթակցութիւններ փոխադրած եւ վտանգուած յեղափոխականներու փախուստը դիւրացուցած էն: Վերյիշումներու երկար չարք մը կը բացուէր ինձ համար, երբ Տիկին Արշակունի կը հարցնէր Վահէին, Շահրմանին, Գեղամին, Սուրէնին, Աննիկին եւ ուրիշներու մասին, որոնք 1890-96 թուականներուն Պոլսոյ յեղափոխական խմորումներու յառաջապահներէն եղած էին . . . :

Աւքասանդրապոլցի են Հայկազունիները, բայց Պոլսեցիցած, եթէ կազելի է այդ բացատրութիւնը գործածել, եւ Պոլսոյ ցոյցերէն ետքն է որ Հնդկաստան փոխադրուած են Տիկին Արշակունիի հօրը հրաէրով, ուր տեղի ունեցած է Հայկազունի-Արշակունի «ղինակցութիւնը», եղերական փլուզումի մը մէջ Տիկին Արշակունիի հօր ողբեզպական կորուստէն ետք:

Տիկին Արշակունի իր հոգեկան չնորհքներուն կը միշտնէ հանրային ծառայութեան հրաշալի ոգի մը: Ժիրէ, աշխատասէր, համոզիչ ու յարդուած: Պոլսեցիները կը յիշեն իրենց Տիկին Մարի Սթամպուլեանը որ Պոլսոյ հասարակական չարժումներուն մէջ մէծ դեր կը կատարէր եւ անվիճելի դեկավարն էր հայ կիներու, թէեւ հայերէն երդիծաթերթ մը զայն «Աշխարհական Պատրիարք» կոչելու չափ յառաջ դացած էր: Տիկին Արշակունի արժանաւոր եւ վտանգաւոր — լաւագոյն իմաստով, ի հարկէ — մրցակից մը պիտի ըլլար նոր, հասարակական գործունէութեան դաշտին մէջ, եթէ Պոլիս ըլլար այդ օրերուն:

Այդ ոգիով հայուհիներ կան հիմա արտասահմանեան գաղութներուն մէջ եւ հայ կեանքին կը բերեն նոր չնորհմը, նոր ողեւորութիւն մը: Իրենց թիւը գեռ քիչ է, բայց աւելնալու վրայ է: Այնաել, Կալկաթայի մէջ, ես քիչ

ետք առիթ պիտի ունենայի հասարակական գործունէութեան մէջ տեսնելու Զուղայեցի երիտասարդ հայուհի մը՝ 0ը. Աստղիկ Բարսեղեան, ժիր, աշխոյժ, եռանդուն, նուիրուած, որ թանկաղին գործակից մը եղած էր Տիկին Արշակունիին, ինչպէս Տիկին Քրիստին Պալթաղար, իդմիցից չնորհալի հայուհին, որ իր ծննդավայրի հայութեան ազգասիրական յատկանիշը կը վերակենդանացնէր հեռաւոր Կալկաթայի մէջ:

Այսպէս «Հայաստանցի Բնաւանիք»ին տրուած այդ առաջին այցելութիւնը, ձեւական, քաղաքավարական հանդիպումէն բոլորովին տարբեր արժէք ու նշանակութիւն ունեցած էր ինձ համար: Ես գտած էի հոգեկան կազոււրանքի եւ գործակցութեան աղբիւր մը եւ ոյժ մը, վայրի մը մէջ, ուր կիզիչ արեւը մարդուն արիւնը կը շոգիացնէ եւ սրտերը անընդունակ կը դարձնէ, կ'ըսեն, ողեւորութիւններու, ներշնչումներու եւ յուզումներու . . . : Արշակունի տան մթնոլորտը կը հերքէր այդ բոլորը:

* * *

Կալկաթային հեռանալէ առաջ՝ պէտք է ծանօթանանք այն երկու հաստատութիւններուն հետ, որ Հնդկաստանի ամէնէն մէծ զաղութիւն, 5-600 հոգիէ բազկացած, ազգային կեանքն ու գործունէութիւնը կը ներկայացնէն, — եկեղեցին եւ դպրոցը:

Հարուստ, շատ հարուստ է Կալկաթայի եկեղեցին: Հին բարի Հայերու ազգասիրական հորիզոնը եկեղեցին հարստութիւնով օժտելու գաղափարը միայն պարփակած է, եւ կտակները իրարու յաջորդած են եւ կը շարունակեն մինչեւ այսօր ալ: Ամենէն վերջինը Հօնկ-Բօնկցի Սըրֆօլ Զէյթըրինը առասպելական թիւերու կը հասնի բազգատմամբ մեր ազգի վտիս միջոցներուն եւ դրամի սպասող իրապէս կենսական պէտքերուն:

Այս իրարու վրայ գիլուող հարստութեանէն կը պահուին եկեղեցին եւ գորոցը եւ այդ գումարներէն կամո-

նաւորապէս թոշակ կը ստանան շատ թիւով ընտանիքներ որ հետզհետէ կը կազմեն կամաւոր եւ բրօֆէշընը նպաստընկալներու դաս մը...: «Մեռելները կը պահեն եկեղեցին, գպրոցը եւ գաղութին կէսը: Քանի մը տարիէն այդ մեռելները պիտի պահեն գաղութին մնացած մասն ալ», կ'ըսէր բարեկամ մը, եւ կը վախնամ որ այդ խօսքի վերջին չարաշուք մասն ալ իր մէջ ճշմարտութիւն ունի, ինչպէս առաջին մասը ամբողջ ճշմարտութիւնն է: Ողջը ոչինչ կ'ընեն գպրոցին եւ եկեղեցիին համար: Իրենց օրուան հացը ճարողները գոհ են որ մեռելները զիրենք աղատեր են ամէն բեռէ: իսկ մէկ քանի հարուստները յայտնապէս կ'ուղեն չարունակել սխալ, շատ սխալ կերպը: «Ամէն ինչ մեռելէ ետք, ոչինչ մեռնելէն առաջ»:

Գոնէ այդ խոշոր հարստութեան մատակարարութիւնը խելացի եւ աղղանուէր ձեւով մը կատարուէր. այդ չկայ: Ծանօթացէք եկեղեցիին: Ի՞նչ դեր կը կատարէ գաղութը ազգային զիտակյութեան մէջ պահելու եւ ձուլուն դէմ կոռուլու համար: Ոչ մէկ զրական, երեցող եւ աղղող դեր: Արարողութիւնը եւ ծէսերը կը չարունակուին, ոմանց համար հասկնալի, ոմանց համար անհասկնալի լեզուով, եւ այդ է բոլորը: Կը պակսի կենդանի չունչը:

Եւ այդպէս է, որովհետեւ եկեղեցական պաշտօնէութիւնը կանոններով չղթայուած է միայն այդ մէքենական միօրինակ պարտականութեան: Հնդկաստանի եկեղեցվանքին, մասնաւոր ժամանակաշրջանով. անոնց մէջ կան զարգացած, ուսեալ, արդիական եկեղեցականներ, ինչպէս Կալկաթայի քահանաներէն համակրելի Տէր Գարեգինն էր, որ պիտի կրնային շատ օդտակար ըլլալ, բայց վարչական կանոնները այնպէս մը չինուած են, որ այդ քահանաները «մեռելներէն» իրենց թոշակը ստանալիքէն եւ իրենց ժամանակին լրանալուն սպասելին զատ գըրեթէ ուրիշ գործ չունին...:

Եկեղեցական պաշտօնէութեան ալու կողիացումը եկեղեցին կողոպտած է դրական գերի ամէն հնարաւորութենէ եւ զարմանալի չէ որ Տէր Գարեգին դառնութեան եւ ցաւի խնդուքով մը կ'ըսէր — «Կալկաթայի հայերը գիտեն ձիարշաւեի ձիերուն ամէն մէկնեն անունը, բայց չեն գիտեր իրենց քահանաներուն անունները, տարիներով իրենց մէջ մնալի ետքն ալ»:

Հնդկաստանի Առաջնորդը Մեսրոպ Եպիսկոպոսն է, Մագիստրոս. բայց դեռ Զուղայէն Հնդկաստան չէ անցած: Թերեւս կարեւոր գործեր զինքը կը պահեն Զուղայի մէջ, բայց Հնդկաստան պէտք ունի իրեն: Եւ պէտք ունի երկու գլխաւոր գործի համար. որպէս զի աշխատի փոխել այն գրութիւնը, որուն մէջ, քահանաները հարկադրուած են Հնդկաստան եւ ձավա երթալ, ինչպէս ուրիշ գաղթականները, դրամ շահելու եւ վերադառնալու համար. եւ որպէս զի, երբ լաւագոյն խորհրդատուն, բարերարութեան աւելի շիտակ ուղղութիւնը ներչնչէ հայ հարուստներուն: Այս վերջինը թերեւս տարօրինակ թուի, բայց կարեւորութիւնը անվիճելի է, երբ նկատողութեան անութիւն բնի բարերարութիւններէն ոմանց բազդը: Մատրափ եկեղեցիին ձգուած խոշոր հարստութիւնը կորսուելու լուրջ վտանգին մատնուած է. Փինանկի եւ ուրիշ մէկ քանի քաղաքներու եկեղեցիները անհետացած են, զարութներուն պէս, եւ գետիներն ու ուրիշ կալուածներ անսէր ու վտանգուած կը մնան:

Ո՞վ կինայ երաշխաւորել, թէ Կալկաթայի գաղութն ալ օր մը Մատրափի եւ Փինանկի գաղութներուն պէս պիտի չըլլայ, քանի որ Զուղայէն տարուէ տարի համոզ նորիներն են որ հայ զարթականութեան արիւնը քիչ մը կը թարմացնեն, բայց Զուղան մարդու անսպառ պահաստչունի. իսկ Հնդկաստանի արեւը աւելի մէծ համեմատութեամբ կը չոգիացնէ այդ արիւնը, քան որ անիկա իր նորոգիշ դերը կը կատարէ: Զուղայէն տասնեակ ու տասնեակ հազարաւորներ գացած են Հնդկաստան եւ ձավա, բայց

այսօր Պօմպէյէն մինչեւ Մակասար, ըսել է ամբողջ Հընդաստան եւ ձավա, հազիւ երկու հազար հայ կայ, եթէ պուրմաստանի մէջ Պուրմէղ եւ ձավայի մէջ Հոլանտացի դարձած հայն ալ:

Եւ ի՞նչ վիճակ կը ներկայացնէ դպրոցը. այդ վիճադպրոցի անունն է «Հայոց Մարդասիրական Ճեմարան», բայց հիմա Հնդկաստան եւ ձավա հայու մը չէք հանդիկիր որ այդ սխալ անունը տայ. «Հայոց Մարդասպանական Ճեմարան» է շիտակ անունը . . . :

Հին, անյարմար ու անշնորհք տունի մը մէջ հակառողջապահական եւ հակադաստիրակշական ամենագէշպայմաններու մէջ իրարու վրայ դիզուած, խոնուած են հարիւրաւոր տղաք, դրեթէ ամէնքն ալ Կալկաթայի եւ մասամբ ալ Պաթալիայի եկեղեցին թոշակաւորներ: Դպրոցը յանձնուած է Անգլիացի տնօրինի մը, որուն համար կ'ըսեն թէ պաշտօնին գիտակից եւ նուիրուած համեստ մարդ մըն է, համեստ կարողութեան տէր: Բայց արուած կրթութեան եւ ուսուցչական կազմի մասին որոշ գաղափար կարելի է կազմէլ, երբ ծանօթանանք դպրոցի հոգաբարձութեան մտայնութեան, ինչպէս ան երեւան կուգայ հետեւեալ դէպրէն մէջ: Տասներկու տարի Մարդուանական Ճեմարանին — յանցանքը իմս չէ, եթէ լեռուցքի եղած է Սլմոն Միթիկեան, իր պարտականութիւններուն նուիրուած կրթական համեստ մշակ մը. աշաքը. բայց որոշ հանդամանքներ, որոնց մէջ կը վախնամ սուցիչը իր կազմ կազմէ դունի իրմէ, կը սիրեն զինդրաբարը անմեղ դեր չունի, կը հարկադրեն որ աւագ ուժիրուի:

Կը տուժէ՝ դպրոցը, կը տկարանա՝ ուսուցչական կազմը, որո՞ւ հոգ. դոհ է գլխաւոր հոգաբարձուն, որով-

հետեւ այդ հրաժարականով . . . ամսական քանի մը հարիւր ուսւի կը խնայուի, ինչպէս անխառն հրճուանքով ըսած է շատերուն այդ հոգաբարձուն: Հարուստ մարդու հոգեբանութիւն: Այդ հոգեբանութիւնը կը զեկալարէ Կալկաթայի եկեղեցին կառավարիչներուն դործունէութիւնը. նպատակը դրամը օդտակար կերպով գործածել պարզ է, այլ իրենց վարչութեան օրով ուսւի լաքերը շատցնել:

Ու երեւակայի որ մեռեները եւ ողջերը ձեռք ձեռքի տուած, եւ նոյն իսկ մեռեները առանձին — եթէ անոնց ձղած դրամը յանձնանձող ողջերը լայնախոնութիւն ունենային — կրնային Կալկաթայի մէջ պահէլ բարձրագոյն վարժարան մը, որ գաղութին համար խրոխտ ճակատ մը պարզէր եւ հաւասար պայմաններով մրցէր Կալկաթայի եւրոպական կրթական Հաստատութիւններուն հետ, ու ոչ թէ ըլլար այսօրուան ձրիավարժներու անկելանոցը, ուր ուսանելու չեն զրկեր իրենց զաւակները անոնք որ վճարելու կարող են: Այդ տղաքը ընդհակառակը կ'երթան օտար վարժարաններ, ափսո՞ս, ձուլումի ընթացքը արագցնելու տիսուր հետեւանքով:

Կալկաթայի աղջային հաստատութիւնները, այսպէս, ոչինչ ունին ողեւորիչ, խանդակառող, քաջալերական: Ատոնցմէ գուրս, հասարակական գործունէութեան ուրիշ գաշտեր ալ չկան, ուր մարդ խանդակառութեան տարրեր գտնէ: Երկու Ակումբները, Կալկաթուալաններունը եւ Զուղացիներունը, աւելի շատ խաղի եւ զուարձանալու պատեհութիւն կուտան իրենց դիմող հայ երիտասարդներուն, քան անոնց կը ներշնչեն ուեէ առողջ զգացում, կամ կ'ընդլայնեն անոնց աշխարհը դիտելու եւ դատելու տեսողութիւնը:

Այս չոր ու անարիւն մթնոլորտը պէտք ունէր նոր չունչի մը, նոր խօսքի մը, նոր զգայնութեան մը: Այդ չունչը միայն Հայաստանինը կրնար ըլլալ, իր այսօրուան որբերովն ու ցաւերովը, իր մշակութային, տնտեսական

եւ քաղաքական վերածնունդի ճիգերովը եւ ապագայի իր փայլուն հետանկարովը: Եթէ այդ մեծ իրողութեան մէջ չի գտնուէր այդ շունչը, աշխարհի մէջ ուրիշ ոչ մէկ բան, ոչ մէկ ոյժ կրնայ ամենափոքր թրթում մը, խլսում մը յառաջացնել թմրած ու խանձած սրտերու մէջ:

Ինձ կը թուի թէ այդ թրթումը, այդ խլսումը իրաւան էին, երբ վերջին իրիկունը Գալստանի իշխանական դահլիճը հաւաքուած հայութեան անդամ մըն ալ կը խօսէի Հայաստանի մասին, եւ կուտայի փաստերը վերականդումի եւ վերածնունդի իրողութիւններուն:

Մատուցուածը կայծ մըն էր, բայց յաջորդ առաւօտ երբ նաւամասոյցը հրաժեշտ կ'առնէի իմ հաւատարիմ բարեկամներէս ու Արօնտան իր դանդաղ գնացքը կ'սկսէր չնդիկին նուիրական Գանդէս գետին վրայէն դէպի Պուրծը չպահութիւն մը կ'ուրախացնէր զիս, թէ կայքերու մէջ է: Ճավայի մէջ Կալկաթայէն կ'աստանայի Զատողէրը ամէնէն աւելի ուշադրութիւնս կը զբաւեն. —

«Եկէ եւ ձեզ հետ քերէք ձեր փոքրիկներն ալ, որպէս զի պատեհութիւն ունենան ոչ միայն վայելելու ընկերական հաւաքոյթի մը բերկրանիքը, այլ գաղափար կազմելու իրենց արժանաւոր նախահայրերուն հաստատած սիրուն առլուրի իւներուն եւ աւանդութիւններուն վրայ»:

Նորին հետ կապուելու համար հինին միացնող կանը, մեր արիւնն է այդ միացնող կամուրջը:

Վասահութիւնս արդարացած էր: Կալկաթայի մէջ կրակը կը հրացըին հաւատարիմ ձեռքեր, հին սէրէն նոր սէրին առաջնորդելով սրտերը, հին սէրին գորութիւնը շաղելով նոր սիրոյ հրայրքին հետ...:



ՌԵՆԿՈՒՆԻ ՄԵԶ

Ե.

Կալկաթայէն Ռէնկուն սպիտակամորթ եւ սեւամորթ ճամբորդներով խճողուած Արօնտա չողենաւով երեք օրուայ ճամբորդութիւնը և թէ արձանագրութեան արժանի լիշտակ մը ունի ինձ համար՝ այն ալ զարհուրելի տաքութիւնն էր, Մարտին մէջ, որուն նմանը Նիւ-Եորքցիները ամառը երբեմն կ'ունենան եւ թերթերը տաքութենէն մեռնողներու լուրեր կը հրատարակեն:

Ռէնկուն Պուրմաստանի գլխաւոր քաղաքն է, աղոստ, քիչ մը աւելի աղտոտ քան Հնդկական Պօմպէն ու Հնդկական կալկաթան են: Բնիկները շատ չեն հաւատար... հագուստի, եւ կիսամերկերու ու գրեթէ մերկերու բաղմութիւններ մըջիւնի պէս կը վիստան քաղաքին բոլոր փողցներուն մէջ, պատշաճօրէն հագուստ մարդերու վսեմ անտարբերութիւմը...:

Ռէնկուն հասած օրս իրենց մէկ տօնէին. երեսնին եւ այն լաթի կտորները որ իրենց մերկութիւնը մասսմը կը ծածկէին, կարմիր ներկով ներկած՝ խումբ խումբ կը շրջէին, միօրինակ երգ մը մրմուալով եւ թըմուկի ձայնին հետեւելով:

Կախարդական Արեւելքն է, երանի աչքերուն որ կը տեսնեն...:

Եթէ այս կախարդանքը բաւական չէ, աչքերը թող կանգ առնեն սա միւս տեսարանին վրայ. Վեց հոգի հսկայ դաշնամուր մը զլուխներուն վրայ առած, աղատ ձգուած ձեռքերու ներզանակ շարժումներով եւ թեթեւ քայլերով կ'անցնին, իբր թէ զլխարկի մը ծանրութիւնն իսկ չունենային իրենց գլուխներուն վրայ...:

Եւ կամ սա «մարդագիրուն» որ երկանիւ թեթեւ կառքերու — ոլիքշա — լծուած բոպիկ ոտքերով, կեղեչ

դեմնին վրայ կը վաղեն, իրենց յաճախորդը, երբեմն յաճախորդները, իրենց բեռներով, չուտով տեղ հասցնեալու եւ նոր յաճախորդ գանելու արտորանքով . . . : Երջանիկ, խորհրդաւոր Արեւելք . . . : Մարդը չփոթած կենդանին հետ, մարդը մրցակից եւ նախանձորդ՝ անբան կենդանին . . . :

ՈՒՅՆԿՈՒՆ նշանաւոր է իր մեծ Փակուտայով, Պուտասայի տաճարով, որուն ոսկեայ զմբէթը յաղթականօրէն կ'իշխէ քաղաքին վրայ եւ առաջին անդամ կը տեսնուի Ռէնկունի մօտեցող նաւերէն:

Պուտասայի անհամար արուարձաններ պահող այդ մերուն եւ իրեն կը քաշէ հաւատացեալներու անհամար ըուն առջեւ եւ իրենց աղօթքը կ'ընեն: Տաճարը իրեն կը ուանդութիւնը կը պարտադրէ փողոցին մէջ հանել իրենց կօշիկն ու գուլզան եւ բոպիկ ոտքերով բարձրանալ այդ երկար ու անվերջանալի սանդուխներէն ու կրակի պէս այրով քարերու վրայ եւ խանձիչ արեւուն տակ քալերով գոհացնել Փակուտան տեսնելու իրենց հետաքրքրութիւնը:

Պուրմէզները ուզած են որ Կալէսի իշխանն ալ, Հընդիր հաստան իր այցելութեան ատեն այդ տաճարը տեսնելու իր հետաքրքրութեան համար այդ զինը վճարէ, բայց ան

Հոչակաւոր են նաեւ Ռէնկունի միմէրը — Վիֆթօրիա եւ Թօյըլ — քաղաքէն քիչ հեռու, ուր սպիտակ մարդը ու հարուստ չինացին եւ հնդիկը — բնիկը, պուրմէզը, մէնէն աղքատ տարրն է, որովհետեւ ամէնէն ծոյլն է — իրեկուան զէմ իրենց ինքնաշարժերով կ'երթան բնութեան գեղեցկութիւնը դիտելու եւ քաղաքին հեղձուցիչ օդէն աժատելու վայրկեան մը: Ծառուղիներու մէջէն ինքնաշարժեցեր ատեն, տպաւորութիւնը կուտար Քալիֆօրնիա-

յին, ուր այնքան առատ են իրապէս առինքնող եւ դեղեցիկ լնանկալները:

Այստեղ կայ հայութիւն մը, թիւով փոքր, հարիւրի չափ, եւ տեսակ մը մանրանկարը Կալկաթային, սա տաքրերութեամբ որ Կալկաթուալաներու տեղ՝ Ռէնկունուալաներն են, եւ եկեղեցի կայ, առանց դպրոցի:

Հարուստ եւ ինքնապահ է եկեղեցին — «ողջ ըլլան» մեռելները — քահանային առանձին ինքնաշարժ մը տրամադրելու չափ: (Ուրիշ երկիրներու քահանաները թողչի սրենց իրենց ախորժակը. Հնդկաստանի մէջ պաշտօնավարելու իրաւունքը պարսկահայ քահանաներունն է միայն): Եկեղեցին գրամով վերջերը կառուցուած էին սըրահ մը եւ անոր կից քահանայի բնակարանը:


Զուղայի արիւնին թարմութիւնը պահող լաւ, եռանդուն երիտասարդութիւնը մը կայ, իսկ Ռէնկունուալաներու մէկ մասը թէեւ հայերէն չի խօսիր, բայց կապուած է եկեղեցին եւ իրեններէն մէկ քանին պինդ փակած են եկեղեցին կառավարելու պաշտօնին եւ չեն ուզեր անկէ զատուիլ, առանձնաշնորհումի մը պէս . . . : Կայ Ռէնկունուալաներու տեսակ մըն ալ, որ . . . «մեռնելու ատեն» եւ թըշուառութեան ատեն միայն կը յիշէ թէ հայ է, որովհետեւ, նորէն «ողջ ըլլան մեռելները», թաղումը ձրի է, ինչպէս գառն շեշտով մը կ'ըսէր քահանան, եւ եկեղեցին գրամունի աղքատներուն համար:

«Զրի թաղուելու» պատմութեան համար պիտի հաւատաք քահանային խօսքին, բայց միւսին համար ականատեսի վկայութիւն մը ինձմէ. Եկեղեցին բակը շուքին մէջ, նստած կը խօսակցէնք, ծերունի Տէր Թաղէոսը, երաժիշտը Միքայէլ Գասպարեան, համակրելի եւ հայրենասէր երիտասարդ մը եւ ես: Պուրմէզ երիտասարդ կին մը վարանոտ քայլերով կը մօտենայ քահանային եւ կէս մը անդիւրէնով, կէս մը իր մայրենի լեզուով բաներ մը կ'ըսէ. Տիկին Կրէկըրի է իր անունը, ամուսինը հայ է, հիւանդ անկողինն է հիմա, թշուառութեան մէջ են եւ

զինքը զրկած է որ եկեղեցին օդութիւն ուղէ . . . : Ու խեղճ քահանան ու երաժիշտը ի զուր կը չարչարեն իրենց յիշողութիւնը եւ ի զուր աչքերնին կը պատցնեն ծխական-ներու ցանկին վրայ հայ Կրէկըրին գտնելու համար : Տա-րիներով տեսած չեն այդ անունով եւ այդ նկարաղբու-թեամբ մէկու մը երեսը եւ հիմա առաջին անդամ կը լսեն անունը, անոր Պուրմէզ կնոջ բերնով, որովհետեւ թշուառ են եւ հայ եկեղեցին գրամ ունի :

Բայց հակառակ այս բոլորին՝ ևս լսւ յիշողութիւն-ներ եւ տալաւորութիւններ կը պահէմ Ռէնկունի այդ փոք-րաթիւ հայութենին, աւելի տաք սիրտ եւ աւելի բաց միտք ունէին ազգային պարտականութեան ձայնին հան-դէպ : Մեկնելէ առաջ իրենց թելագրեցի Զատկի հանդէս մը ունենալ հայկական սովորութիւնները կենդանացնելու եւ գաղութը իրարու հետ եւ ազգային պարտականութիւն-ներուն հանդէպ աւելի տաքցնելու համար : Թելագրեցի որ այդ հանդէսը պատրաստուի միայն հայ դեռատի արուես-տակըներու մասնակցութեամբ : Մկեստիկ էին, կը տա-րակուտին հնարաւորութեանը այդ տեսակ ձեռնարկի մը, հայկական կեանքի այդ անապատին մէջ, բայց խոս-տացն փորձել եւ ձավայէն չմեկնած Ռէնկունին գրուած խանդակառ նամակի մը մէջ, որ վարդուն եւ հայրենա-սէր բարեկամս Յովակիմ Ստեփաննոսեանը ինծի ուղղած էր, կը կարդայի թէ հանդէսը տեղի ունեցած է ճիշտ նա-խատեսուած եւ թելագրուած ձեւով, մատնակցած են մի-այն հայ արուեստաէրներ, գաղութը շատ զոհ եւ երջա-նիկ իրիկուն մը ունեցած է եւ հանդէսը լսւ հասոյթ մըն ապահոված է :

Մէկ հոգիի կորուստը, ամենափոքը գաղութին կո-րուստը կորուստ է : Պէտք է արգիլել այդ կորուստը, կը-բակը հրահրելով միշտ, միշտ : Անդամ մը որ հայկական մթնոլորտին եւ հայկական ձգտումներուն քաղցրութիւնը սկսին ապրիլ այդ հեռաւոր վայրերուն մէջ, Ռէնկունուա-լայ թէ Զուղայեցի, այդ մթնոլորտը չպիտի ուղեն փո-



ՊՈՂԻՐՄԱՍՄԱՆԻ ՄԵջ
Տիկի Էլիսա, Տիկի Մարգին,
Տիկ Գալիքիսն, Յ. Ասուածառութեան:
Տովուանիկունիւն — Զանիկին աջ՝ Կարապիտ Յովակիմ Ստեփաննոսին, Հայուանիկունիւն, Հայուանիկունիւն :
Տիկի կամբուլինուն — Զանիկին աջ՝ Կարապիտ Միքայել Միքայելին :
Երանեան, Տիկի գուգան Պուրմէզ, Միքայել Միքայելին :
Երանեան, Տիկի գուգան Պուրմէզ, Միքայել Միքայելին :

իւել ոչ մէկ մթնոլորտի եւ կեանքի հետ եւ սոսկումով
ոլիտի փախչին «առանց հայրենիքի, առանց ծագումի»
սարսափելի վիճակէն, որ Պուրմէզին հետ նոյնացող եւ
Անդլիացին հեռուէն կապկող ողորմելի արարածներուն
բաժինն է : Այդ քաղցրութիւնը պիտի զգացած են Զատկի հան-
դէսին մէջ, այդ քաղցրութիւնը պիտի զգան հոգեկան հա-
զորդակցութեան մէջ մնալով միշտ Հայաստանի հետ եւ
վերապրումի այն գերբնական ճիգերուն հետ, որ կը
թափուին այնտեղ :

... Ոէնկունէն Սինկափուր մեկնելու համար պէտք
ունէի նոր վիզէի . երկուքն ալ անդլիական գաղթավայ-
րերուն մէջ, բայց այդպէս է այս օրերուն կառավարու-
թիւններու «Հոգածութիւն»ը՝ ժողովուրդներու եւ ան-
համար հանդէս — շատցնել գժուարութիւնները, ա-
նախորժութիւնները, բնուերը որքան կարելի է : Ո՞վ է
մտածողը, թէ եթէ մարդ լաւ է Հնդկաստան երթալու
համար, լաւ է Սթրէյթս Սէթըլմընթս ալ երթալու հա-
մար . . . :

Բայց վերջապէս, այսպէս է, ուղենք կամ ոչ, եւ վիզէ
ստանալու այդ հարկադրանքը զիս անգամ մըն ալ երես
երեսի կը բերէ խորհրդաւոր, կախարդական Արեւելքին
հետ : Առաւոտեան ժամը 10-ին կ'երթամ այն պաշտօնա-
տունը ուր վիզէն կը ստացուի . ժամը 10-ը բաւական ուշ
է, կը մտածեմ, նոյն իսկ տաք երկիրներու համար եւ
պաշտօնաստան կեանքը սկսած կ'ըլլայ . . . :

Սեւամորթ երիտասարդ մը անցագիրս կ'առնէ եւ կը
սկսի գործի, բայց յանկարծ կը դառնայ ու կ'աւելցնէ .
«Կը վախնամ երկար սպասել ստիպուիք, ստորագրող
պաշտօնեան դեռ չէ եկած : Երէկ Ամերիկացի մը ժամը
10-12 սպասեց մինչեւ որ այդ պաշտօնեան եկաւ եւ վիզէն
ստորագրեց» :

Հոգ չէ, կը սպասեմ, թերեւս բաղդը ինծի աւելի
բարեացակամ կ'ըլլայ այսօր, քան որ երէկ Ամերիկացին
համար էր, կը մտածեմ :

Եւ այդպէս ալ եղաւ. Անգլիացին 12-էն... քառորդ պակաս եկաւ եւ ստորագրութիւնը դրաւ վկիցին տակ, որ նոր գրա՛խտի մը դուռը պիտի բանար իմ առջեւ Սինկավուրի նաւահանգիստին մէջ:

Կախարդակա՞ն Արեւելք, իր գերը լաւ կատարած է, Արեւմուտքը քաշելով դէպի իր անձշտապահութիւնը, դանդաղութիւնը, անհոգութիւնը: Անգլիացի այդ պաշտօնեան լոնտոնի մէջ մէկ վայրկեանի ուշացումէն պիտի դողար իր գրասեղանին առջեւ հասնելու ատեն, բայց չիմա, Արեւելքի մէջ, երկու օր իրարու ետեւ, իմ գիտցածս, եւ ո՛վ գիտէ քանի այդպէս օրեր, երկու ժամով կարճեցուցած է իր աշխատանքի ժամերը...:

Ու ասիկա իմ միտքս կը բերէր այն մանրադէպը, որ Պօմպէյի մէջ ինծի պատմած էր անկիսորքներու անսպառ պաշարի տէր բարեկամս, Կարապետ Աբգար:

«Անգամ մը, կ'ըսէր, Հնդկաստանի Անգլիացի Բնդհանուր Հրամանատարը ժամադրութիւն տուած էր որ բանակատեղին մէջ երթամ զինքը լուսանկարեմ: Ժամադրութիւնը ժամը 3-ին էր, իսկ ես կէս ժամ առաջ, արդէն մէքենայովս պատրաստ էի: Ժամը 3, 3:30, հրամանատար չկայ. Ընդհակառակը ծառան կուգայ հարցնել թէ ի՞նչ կը խմէի. այդպէս հրաման ստացեր է. «Ուիսքի սօտա»... Ուրիշ կէս ժամ մըն ալ, եւ այս անգամ ծառան նորէն կուգայ ինծի հրամցնելու համար հրամանատարին սիկառներէն հատ մը: Շնորհակալութիւն. ուիսքի-սօտա, սիկառ, լաւ է, մոոցուած չեմ ուրեմն, հրամանատարը գիտէ թէ այստեղ եմ. բայց աշուն է, լոյսը հետզհետէ կը տկարանայ...: Դարձեալ կէս ժամ կամ աւելի անցած ծառան նորէն կուգայ. «Հրամանատարը կը հարցնէ ուրիշ խմելիք մըն ալ: «Ուիսքի-սօտա, շնորհակալութիւն»: Համոզուած թէ այդ օրուան համար գործ չկայ այլեւս, հանդիստ սրտով կը վայելեմ ուիսքի-սօտայի երկուրդ բաժակ:

«Ժամը 5-ին դուրս կուգայ Բնդհ. Հրամանատարը եւ ի՞նչ կ'ուղէք որ ըլլայ իր առաջին հարցումը. «Քանի՞ տարի է Հնդկաստան կը գտնուիս, Պարոն Լուսանկարիչ»: Տարի է Հնդկաստան կը գտնուիս, Պարոն Լուսանկարիչ»: «Քսան տարի, կը կակազեմ զարմանքէս ինքղինքս չգտած»:

«Ա... լաւ, լաւ, ուրեմն գիտես թէ ժամանակ եւ խոստումներ նշանակութիւն չունին Հնդկաստանի մէջ, խոստումներ նշանակութիւնը չունին Ժամադրութեամբ»: բայց, վաղը ժամը 3-ին, Եւրոպական ժամադրութեամբ»:

Այստեղ կը վերջանայ անէքթուը եւ ատենն է կը կարծեմ որ այստեղ ալ վերջանայ Ռէնկունի մասին մեր խօսակցութիւնը, «Ժամանակ եւ խոստումներ արժէք չունին» առաքինութիւնը իր աւերները աւելի հեռուները տանելն առաջ...»:

Ուրեմն, նորէն նաւ, այս անգամ էկրան եւ դէպի Մինկափուր, ճամբուն վրայ Փինանկ հանդիպելու ուղեկիծով:

ԴԵՊԻ ՍԻՆԿԱՓՈՒՐ

Զ.

Ովկիանոսի վիթխարի նաւերուն քով նաւակ մըն է միայն էկրանը, որ անշարժ ու մեռած չուրի տարածութեան վրայ զանդաղօրէն կը յառաջանայ: Ծովուն պէս թեան վրայ զանդաղօրէն մթնոլորտ մը կը տիրէ նաեւ նանշարժ ու մեռելային մթնոլորտ մը կը տիրէ են թիւով եւ այդ տուն վրայ, ուր ճամբուրդները շատ քիչ են թիւով եւ այդ թիւը աւելի կը պտտիկնայ առանձնութեան եւ լոութեան այն տրամադրութիւնով, որ այդ նաւուն ճամբուրդներն ունէին առ հասարակ:

Դժուար է երեւակայել աւելի տաղտկալի ու սպառիչ ճամբուրդութիւն մը քան այն վեց օրերունը, որ կ'ունենամ երկաթուղային անտառնելի ճամբուրդութենէս քիչ նուազ երկաթուղային անտառնելի ճամբուրդութենէս պիտի մնար, եթէ երկու «դիպանախորժ յիշողութիւն մը պիտի մնար»:

ուած»ներ աստիճանն մը չմեղմէին կլրախ վրայ աքսո-
րականի մոռայլ ու մելամաղձիկ տրամադրութիւնս:

Առաջին «գիպուած»ը վերջալոյս մըն է, ՈՒՆԿՈՒՆԻՆ
հեռանալու երկրորդ իրիկուան վերջալոյսը: Բանաստեղծ
մը չեմ, նոյնքան վատահօրէն՝ նկարիչ չեմ, բայց դրժ-
րախտ չեմ զգացած այդ պատճառով մինչեւ այդ վերջա-
լոյսի իրիկունը, երբ իրական ցաւ կ'զգամ որ չպիտի կըր-
նամ թուղթի կամ պաստառի վրայ նկարել եւ կորուստէ
փրկել այդ խենթեցնող գեղեցկութեան վերջալոյսը:

Բայց իրօ՞ք մարդկային հանճար մը պիտի կրնար հա-
ւատարմօրէն վերստեղծել եւ վերապրեցնել այդ վերջա-
լոյսը: Ո՞ւրէէ պիտի գտնէր այն արբեցուցիչ գոյները, որ
ոչ մէկ վերջալոյսի մէջ տեսած էի, ոչ ալ ամենանշանա-
ւոր նկարներու վրայ, որ հոչակաւոր թանդարաններու
պատերը կը զարդարեն:

Իսկ առանց այդ գոյներուն, այդ բոցավառով ու նոյն
ատեն զմայլելիօրէն քնքուշ ու անուշ գոյներուն, լ՞նչպէս
պիտի վերապրէր այդ արտասովոր վերջալոյսը՝ հասուն
ոսկեղէն հասկերու իր ընդարձակ զաշտերով, իր կանան-
չագեղ հովիտներով եւ պուրակներով եւ իր բարձրադիր
սարերով:

Այդպէս էր այդ օրուան վերջալոյսը. «իրական» հրա-
շագեղ զաշտանկար մը՝ զետեղուած հեռուն, ջուրին վը-
րայ, այնտեղ, ուր աչքերուն համար, երկինքը եւ ջուրը
իրարու կը փակին եւ արեւը ջուրին մէջ կը թաղուի, իր
հետքերուն վրայ կարճ ատենի մը համար ձգելով բասրա-
դոյն յանկուցիչ շղարշ մը:

Ա՛, այդ վերջալոյսը, եթէ միայն նկարիչ մը յաջողի
ծովէն ու երկինքէն գողնալ գաղտնիքը այդ գոյներուն եւ
նկարել զայն որ չի կորսուի, նկարել որ աչքերը սեւերին
անոր վրայ, ամէն անգամ որ մարդ պէտք զգայ իր հո-
գին արուեստին նեկտարովը ցողելու եւ սրտին տալու այն
հեշտալից թրթոռմները որ ես ունեցայ այն անմոռանա-
լի իրիկունը անյազօրէն ու լափիչ աչքերով դիտելով կա-

խարդական այդ վերջալոյսը ոսկի հունձքերուն, դալա-
րագեղ հովիտներուն, կանանչ պուրակներուն եւ խրոխտ,
բարձրադիր սարերուն:

Այդ օրէն ի վեր զուր կը փնտում այդ վերջալոյսը
նաւերու կամրջակներուն վրայ կեցած, երբ ծովով կը
ճամբորգեմ, երկաթուղիի պատուհանէն, երբ զաշտերու
մէջէն կը յառաջանայ երկաթուղին, եւ ցամաքին վրայ,
քաղաքին դուրս կէտէ մը, երբ ճամբորգութեան ճակա-
տագրէն ազատ շունչ կը քաշեմ, բայց այդ վերջալոյսը
չկայ, Ճնդկական Ովկիանոսին մէջ կորսուեցաւ, ա-
ւա՛ղ . . . :

Երկրորդ «գիպուած»ը Փինէնկի մէջ հանդիպումն էր
հայ երիտասարդի մը, որ այդ օրերուն միակ հայն էր
Աղլանտեանի Մատէրա Կղզին յիշեցնող այդ սիրուն քա-
ղաքին մէջ: Ուրիշ երկու հայեր ալ կան, բայց մէկը, այդ
կողմէը ծանօթ իսկարներու փոքր եղբայրը, այդ օր բա-
կալար է քաղաքէն, միւսը, Արշակ Սարդիս, Փինէնկի
ցակայ է քաղաքէն, միւսը, Արշակ Սարդիս, Փինէնկի
ամենէն գեղեցիկ հիւրանոցին, Իսթըրն էնտ Օրիէնթըրի
տէրը, որ նոյն ատեն, իր եղբայրներուն հետ, տէրն է
տէրը, որ նոյն ատեն, իր եղբայրներուն հետ, տէրն է
Սինկափուրի ամենէն շքեղ հիւրանոցին, ՈՒՓլի, ար-
ճակուրդով Եւրոպա զացած է:

Զարլի Արգար, երիտասարդը որուն կը հանդիպիմ,
ծանօթ Արգար ընտանիքի մէկ ճիւղին կը պատկանի, բայց
անոնցմէ չէ, որոնք ինքզինքնին ծանօթացնելու համար
հալարտութեամբ կ'ապաւինին իրենց հօր անունին եւ համ-
հալարտութեամբ կ'ապաւինին իրենց հօր աշխատած է իր պատմու-
թաւին: Զարլի Արգար մէկն է որ աշխատած է իր պատմու-
թիւնը շինել: Սովորական բան մը ըսկելու ձեւով կը յայտ-
նէ թէ կեանքին մէջ — ու այդ կեանքը հազիւ քառասունի
առաջին եղերքը հասած կ'երեւի —, երկու երեք անգամ
առաջին եղերքը հասած կ'երեւի —, երկու երեք անգամ
միլիոնատէր եղած է, կորսնցուցած եւ նորէն յաջողած է:
Հիմա նորէն անդուխին առաջին աստիճաններէն բարձ-
րանալու ըլջանին մէջ է . . . : Այդ ինքնավատահութիւնը որ
յայտնապէս իր ետեւ ունի յանդկութիւն, ճարպիկու-
յայտնապէս

թիւն եւ ձեռներէցութիւն զինքը արդարացնելու համար, զիս կ'ուրախացնէ:

Խսթըրն էնտ Օրէինթըլի ծովուն նայող իր սենեակ-ներուն մէջ, գրասեղանին վրայ կը տեսնեմ մէկ քանի հայերէն թերթէր. ա՛, Զարլի Արգար ուրեմն, հայերէն թերթ կարգացող այն հայերէն է, որ ամբողջ Հնդկաստանի մէջ մատի վրայ կը համրուին: Լաւ նշան է ատիկա, եւ քիչ ետք մեր երկուքին խօսակցութիւնը երեւան պիտի բերէր թէ Հայկական արիւնը արթուն է այդ երիտասարդին մէջ: Արտասովոր հետաքրքրութեամբ եւ հարցասիրութեամբ կ'ուղէ իմանալ ամէն բան, ամէն մանրամասնութիւն՝ Հայստանի վերաբերմամբ, ու երբ կը պատրաստուինք դուրս ելնելու եւ քաղաքը տեսնելու, Զարլի Արգար խօսակցութիւնը կը փակէ ըսելով, թէ քանի մը տարիէն պիտի երթայ Հայստան ապրիլ, իսկ ես մտքիս մէջ կը մաղթեմ որ այդ օրը Զարլի Արգար... երբո՞րդ թէ չորրորդ անդամ ըլլալով, միլիոնատէր դարձած ըլլայ...: Հայստան պիտի օգտուի իրմէ: Այդ երիտասարդը լաւ սիրու ունի եւ առատաձեռն է: «Արկած»ով չէ որ իր պատկերը կ'երեւայ Բարեգործականի Պատուոյ Անդամներու շարքին մէջ, ինչպէս պիտի վկայէին, յետոյ, ձավայի մէջ, զինք լաւ ճանչցող մարդիկ:

Քաղաքը տեսնելու մէր պայոյտը կը սկսի «Հայ եկեղեցի»ին տրուած այցելութիւնով: Քաղաքին ամենէն կեղուն տեղը՝ անհետացած հայ եկեղեցիի գետնին վրայ կը մնայ զմբէթաձեւ քարէ փոքրիկ շէնքի նման բան մը, եկեղեցիին յիշատակը պահելու համար: Բակին մէջ մէկ քանի հայ մեռելներ մօտ դարէ մը ի վեր իրենց յաւիտենական հանդիսառը կ'ապրին, իսկ անդլիական անունով ընտանիք մը, Արշակ Սարդիսի կարգագրութեամբ, նոյն շրջափակին մէջ կը բնակի եւ կը հսկէ հայ եկեղեցիին աւերակներուն եւ հայ գերեզմաններուն:

Տիուր տեսարան մըն է, կանգնիլ եւ գիտել աւերակը եւ գերեզմանը, երբ գիտես թէ ժամանակ եղած է որ

կեանքը եռացած է այդ նոյն տեղին վրայ եւ հայ մարդիկ չիներ են եկեղեցին եւ անոր մէջ աղօթէր են, որպէս զի «Աստուած խաղաղութիւն տայ աշխարհին եւ ազատութիւն Հայոց Աղբին»: Կեանքին եւ մահին, չինութեան եւ աւերակին մէջ որքան ահաւոր եւ սոսկալիթիսար վիհ մը, բայց աւա՛ղ, որքան չուտ կը կտրուի այդ հեռաւորութիւնը: Ակնթարթ մը շատ անգամ կը բաւէ...:

Ակնթարթ մը՝ եւ միլիոն մը հայեր այդ վիհին մէջ էին եւ ամայութեան ու աւերակին սոսկացուցիչ լուսութիւնը իջած էր մեր բնավայրի շէն քաղաքներուն, աւաններուն եւ գիւղերուն վրայ. գերյիշումներ լացնող, սպանեիչ վերյիշումներ...:

Զարմանալի է մարդուն մէջ այն հոգեկան ուժը, որ թոյլ չի տար մեռելներուն հետ թաղուիլ. սիրելիի մը դագաղին հետ կը ձգէ որ մարդ հասնի մինչեւ լայն վիհին բերանը, բայց երկաթեայ ճանկերու մէջ բնած ետ կը քաշէ զայն գէպի կեանք, գէպի նոր ստեղծագործութիւն, գէպի նոր չինարարութիւն:

Այդ ուժը զգացի ես այդ վայրկեանին, երբ միտքս Փինէնկի հայ մեռելներէն ու աւերակներէն սահած եւ սլացած էր հեռուն, մեր միլիոնաւոր մեռելներուն եւ մեր բնավայրի համատարած աւերակներուն:

Այդ ուժն էր որ ապրող հայերուն թոյլ չի տուաւ, երբ վէրքը այնքան տաք էր, ընկերանալ մեռելներուն. փորձութեան վայրկեանին զանոնք կեցուց ու ետ կեանքի ու ստեղծագործութեան ճամբուն վրայ նետեց:

Եւ այդ կեանքը իր այսօրուայ փթթումին ու ծաղկումին սփրանքովը՝ կը վերադարթնու իմ մէջ այդ վայրկեանին եւ կը կազդուրէ ու կ'ոգեւորէ այն սիրտը, որ պահ մը մահուան ընկերակցութիւնը շնչած էր: Փինէնկի մոայլ ու սարսուազեցիկ աւերակին տեղ՝ Արարատեան Դաշտը, շինութեամբ ու արտագրութեամբ զեղուն. Փինէնկի մեռելներուն տեղ՝ ողջեր, որ երեւանը, Ալեքսանդ-

բարօլը, ամբողջ Հայաստանը կը շինեն իրենց մուրճեռուն ու բահերուն քաղցր ձայնով լեցնելով օդը:

Եւ Փինէնկի այդ աւերակը եւ Փինէնկի մեռելները կրնան օգնութեան ձեռք երկարել եւ իրեց ձայնը խառնել այդ հողեպարար երաժշտութեան: Այդ մտածումն է որ կը յաջորդէ մտքիս մէջ: Ինչո՞ւ այդ գետինը պէտք է այդպէս մնայ անօգուտ եւ ապագայի համար անստոյդ ճակատագրով, երբ կրնայ ծառայութիւն մատուցանել կեանքին եւ ստեղծագործութեան: Պէտք է ծախուի այդ գետինը. «չ մէկ աւանդութիւն կամ նուիրականութիւն կ'արդիւ այդ բանը. սրբապղծութիւնը թոյլ տալն է որ օր մը այդ գետինը անխիղճ հայու մը կողոպուտը դառնայ:

Բայց ո՞վ պիտի ընէ այդ բանը. Հնդկաստանի Առաջնորդը, Մեսրոպ Եպիսկոպոսն է որ կրնայ եւ պէտք է ընէ, առաջին անգամ որ Հնդկաստանի վրայ դնէ իր ոտքերը:

Եւ հիմա հեռանանք այդ աւերակէն եւ գերեզմաններէն եւ տեսնենք Փինէնկը, յաւերժական կանանչութիւններու այդ փոքրիկ քաղաքը: Ինքնաշարժով պտոյտ մը դէպի հանրային պարտէզը եւ անկէ Կենդանաբանական պարտէզ՝ պատեհութիւն կուտայ աչքերուն տեմնելու զեղեցիկ, պալատանման տուներու շարքեր, ծառաստաններու մէջ բարձրացած:

Առհասարակ Զինացիներու սեփականութիւն են այդ տուները, կ'ըսէ Զարլի Արդար, եւ կ'աւելցնէ թէ Զինացիները շատ աշխատասէր են եւ հետեւարար քաղաքին հարուստ տարրը կը ներկայացնեն, մինչ բնիկ տարրը, Մալայը, ծոյլ է եւ աղքատ:

Եւ իրօք, ճամբուն վրայ կը հանդիպինք բաղմաթիւ ինքնաշարժերու, որոնց մէջ Զինացի ընտանիքներ լաւ եւ եւրոպական ճաշակով հագուած՝ կիրակնօրեայ հանգիստի պտոյտը կը կատարեն դէպի հանրային ու կենդանաբանական Պարտէզները:

Բայց այդպէս չեն, ի հարկէ, բոլոր Զինացիները. կ'անցնինք թաղամասերէ, ամբողջութեամբ չինական, որ մերկութեան, տղեղութեան, իեղձութեան եւ նախնականութեան պատկեր մը կը պարզեն, ինչպէս Հնդկաստանի հասարակ Հնդիկները եւ Պրմաստանի հասարակ Պուրմէզները :

Այսպէս է երկու եղբերու ծայրայեղութիւնը, աւելի ցցուն կերպով տեսանելի քան աշխարհի ուրիշ մասերուն, Եւրոպայի կամ Ամերիկայի մէջ, ու այդ ծայրայեղութիւնը կը դժուարացնէ անոնց հարցերուն ըմբռնումն ու լուծումը:

Երբ կը տեսնես Զինացին մաքուր արտաքինով եւ խելացի արտայայտութիւնով, երբ կը տեսնես զինքը սպիտակ մարդուն հետ տնտեսական մցումէն գուրս եկած յաջողութեամբ՝ մտքովդ կը համոզուիս թէ Զինական հարց գոյութիւն ունենալու չէ, այդ մարդիկը կրնան հնդգինքնին կառավարել, ինչպէս ուեւէ Եւրոպացի ժողովուրդ, եւ իրենց իրաւունքն ըլլալու է ուրիշ երկիրներու հետ առեւտուրի եւ դիւանագիտական յարաբերութիւններու մէջ ունենալ այն ազատութիւնն ու նախասիրութիւնը, որ ուրիշ ժողովուրդներ կը վայելն:

Յաջորդ վայրկեանին երբ կ'իյնաս չինացիներու բաղմութեան մէջ եւ անբանութեան հաւասարող նախնականութիւնը դէպի քեզ կը հուտէ, առաջին համոզումդ կը փոխուի վարանումի եւ կ'սկսիս մտածել թէ առաջնորդող ձեռքեր հարկաւոր են, փոխուած չինացին ձեռքերէն աւելի ամուր, որպէս զի գուրս քաշեն այդ բաղմութիւնները իրենց այդ վիճակէն, պայմանաւ որ այդ ձեռքերը գերծ ըլլան նուածումի եւ անխիղճ շահագործումի արատներէն: Ուրիշ խօսքով, այն սրուակը որ հիւանդի մը կ'երկարեցուի, կազդուրումի եւ կենսատուութեան դեղին տեղ, թոյն չի պարունակէ:

Եւ այդպէս չինական հարց կայ, ինչպէս Հնդկական հարց կայ, եւ առաջինը այս պահուն կը ներկայանայ վը-

տանդաւոր եւ սպառնալից բնոյթով մը : Քիչ չեն անոնք որ միշտ գուշակած են թէ համաշխարհային յաջորդ բողնկումը Խաղաղականէն պիտի սկսի , ու երբ մարդ կը տեսնէ թէ այն ջուրերուն վրայէն ուր մեր խելօքիկ էկրան իր գործին կ'երթայ , ուազմանաւեր ու զինուոր փոխադրող նաւեր գէպի Զինական ջուրերը կ'արտօրան , կը փորձուի մտածել թէ այդ չարաշուք գուշակութիւնը իրականալէ շատ ալ հեռու չէ :

Եւ ափսոս , դիւրին է փիլիսոփայել , բայց գժուար է գտնել այն գործնական խելացութիւնը որ բոլոր այդ հարցերուն լուծումը պիտի տար եւ աշխարհը վերջնականապէս ազատէր արինահեղութեան մզճաւանջն ու ճակատագրէն : Դեղին մարդը եւ սպիտակ մարդը պէտք ունին իրարու . կրնան կէս ճամբուն վրայ իրարու հանդիպիլ , բայց չեն ըներ : Գրդուուած ու ծայրայեղ է դեղին մարդը . ծայրայեղ ու չափազանցող է սպիտակ մարդը , հակառակ համբերատարութեան եւ ինքնազապումի բոլոր ցոյցերուն : Ուրիշներու խժդժութեան , վայրագութեան , բարբարոսութեան փիղի չափ խոչոր արարքները կլող մարսողները՝ հիմա Զինացիին լուերը փիղի չափ կը խոչորցնեն եւ աշխարհը իրենց անլուր մարտիրոսութեան ազաղակներով կը լեցնեն : Ու այդ բոլորին հետ սպիտակ մարդը ինքն իր մէջ ալ պառակտուած է ... :

Գէշ , վտանգաւոր կացութիւն , սպիտակ մարդուն համար , դեղին եւ սեւ մարդուն համար , ամէնքին համար , մինչ բոլորը պէտք ունին խաղաղութեան , պէտք ունին գործակցութեան եւ իրենց խելքի ու կորովի վերջին մասնիկին՝ կոռւելու համար զանդուածային տղիտութեան դէմ , եւ գտնելու համար իրենց տնտեսական հարցերուն լուծումը , ուրիշներու կեանքը վճացնելէ եւ այդ ուրիշներուն ունեցածները յափշտակելէն տարբեր , սպահով եւ մարդկային միջոցներով ... : Բայց ուրեմն գացինք : իրկուան դէմ հրաժեշտ կ'առնեմ համակրելի Զարլի Աբ-

դարէն , որ յայտնապէս այնքան ուրախ էր հայու մը հանդիպելուն , որքան ես , եւ կը վերագառնամ էկրան որ հիմա աւելի պարզուած ու ամայի է : Այն քիչ մը ճամբորդներն ալ Փինէնկ իջած են հոն մնալու եւ կամ ճամբան դէպի Սինկափուր երկաթուղիով շարունակելու : Երկուրդ կարգի միակ ճամբորդն եմ : Մէկ երկու հոգի ալ տուաջին կարգին մէջ կ'երեւան :

Փինէնկէն Սինկափուր տակաւին երկու գիշերներ ալ , բայց այն վերջալոյսին գաղտնիքը թաղուած էր մնայ Ռանկունէն Փինէնկ ջուրերուն ծոցը , եւ ես հոգեւարքային տաղտուկի եւ գանդաղութեան ծանրութիւնը շալկած սոուերի մը պէս կը շարժիմ ամայի նաւուն վրայ : Հիմա կրնամ դիւրութեամբ երեւակայել հոգեկան վիճակը անապատի մէջ մոլորած եւ կորսուած ճամբորդին որ մարդու եւ չէնքի երես տեսնելու յոյսը չունի :

Ու երբ նաւը Սինկափուրի առջեւ կը խարսիէ , ես տակաւին աղատած չեմ այն մզճաւանջային ծանր երազէն , որ այդ ճամբորդութիւնն էր , յաւիտենականութեան պէս երկար : Միթէ՞ յաւիտենականութիւնը վերջ կընայ ունենալ ... :

Բայց իրականութիւն է , վերջացած է . ասիկա Սինկափուրն է , ահա չէնքեր , ահա մարդիկ , ինչպէս ուրիշ քաղաքներու մէջ ... :

Սինկափուր հասած ենք , եւ Սինկափուր ինծի կուտայ առաջին զարմանքս . աղատ նաւահանգիստ է , եւ առանց անցագրի կը պայուսակներու քննութեան՝ ուղղակի փողոց եւ դէպի ինքնաշարժ ... : Ճամբորդին կեանքը զառնացնող պաշտօնական ձեւակերպութիւններու ու անհամութիւններու այս օրերուն պղտիկ զարմանք չէր ատիկա :



ՍԻՆԿԱՓՈՒՐԻ ՄԵԶ

Է.

Սինկափուր, Ռիքշաներու քաղաքը, եթէ ինծի իրաւունք տան, այդ քաղաքին անունը այլպէս կը մկրտեմ։ Իր առաջին տաղաւորութիւնը անոնք կուտան, «մարդագի-երը» իրենց ռիքշաներով, անհամար, եւ ամէնքը չինացի։

Կալկաթայի մէջ տեսած էի այդ կառքերէն, Ռանկունի եւ Փինէնկի մէջ քիչ մը աւելի թիւով։ բայց ռիքշաներու հրէշային գոյութեան ամբողջ սարսափելի տաղաւորութիւնը Սինկափուրի վերապահուած է։

Կարելի չէ երեւակայել հաց ճարելու աւելի անդութ, աւելի բարբարոս միջոց մը։ Երեւակայեցէք, երկինքէն կրակ կը մաղուի, գեանէն կրակ կը բղխի, եւ մարդագին կը վազէ, կը վազէ առանց կանդ առնելու, կամ կանգ կ'առնէ, ինքնաշարժերուն պէս, ոստիկանի ազդարարութեան վրայ, մեկնումի նշանը տրուելուն՝ ինքնաշարժե-րու պէս սուրալու համար նորէն։

Եւ ի՞նչ վազք։ Վազք գէպի մահուան գիրկը։ Այդ էր տպաւորութիւնս։ Երբ կը նայէի այդ խեղճ արարած-ներուն, ինծի կը թուէր թէ ճամբորդները տեղ հասցնե-լու չէ որ կ'արտորան, այլ անյագ ու անօթի կարօտով մը մահը գտնելու կ'երթան եւ կանդ չպիտի առնեն, մին-չեւ որ գտնեն։

Ու «գրուած» է որ անոնք գտնեն այդ մահը…։ Ամէ-նէն ուժեղը ու առոյգը, կ'ըսեն, հազիւ վեց եօթը տարի կը տոկայ եւ կ'ինայ շատ յաճախ հաւատարիմ ձիու մը պէս, բնուան տակ, իր անօթի ու անյագ վազքին մէջ։ Ու «գրուած» էր կարելի էր կարդալ շատ որոշ. ոմանք, «նոր սկսողներ» առոյդ են եւ թարմ, կառքին հետ կը խաղան, երիտասարդ նժոյգի մը պէս։ Ուրիշներ, հիները, մորթ ու սկսոր կտրեր են, եւ իրենց աչքերուն մէջ կը տեսնես թէ հեռու չէ նշանակէտը. քանի մը վազք ալ, եւ պիտի

դանեն իրենց վիճուածը, մահը, որուն ետեւէն վազեր են, երբ երկինք իր անձրեւի հեղեղները թափած է եւ երբ արեւը իր ճառագայթները վար նետած է, նիզակի պէս սուր ու միրճուող։

Եւ ինչ մարդկի են որ այդ կառքերուն մէջ բազմելու անգիտութիւնը կ'ունենան…։ Հեռու ինձնէ այդ փորձու-թիւնը, ես գոնէ այդ մեղքը չպիտի գործեմ, կը մտա-ծեմ, երբ Տէր Խորէնը, հսկայ մը կազմով, բնաւորու-թեամբ Ծէր Խորէնը, հսկայ մը կազմով, բնաւորու-թեամբ ընկերական եւ մանկան մը պէս բարեմիտ, այդ իմ խղճահարութիւնս պարտութեան կը մատնէ իր տրամա-բանութիւնովը. «Երբ Սինկափուր հասայ, կ'ըսէ, ես ալ ա-ռաջին օրերուն սոսկում կ'զգայի Ռիքշա նստելու գաղա-փարէն. անդութ, բարբարոս բան մը կը նկատէի, ճիշտ քեզի պէս։ Յետոյ սկսայ մտածել թէ այդ կերպով բա-րեք չէ որ կ'ընեմ այդ խեղճերուն, այլ անոնք կը զրկեմ իմ սենդերէս։ Այն օրէն ետք անոնք իմ սենդերս կ'ունե-նան։ Տէր Խորէն կը յաղթահարէ իմ խղճահարութեանս։ Ոիքշա կը նստիմ ես ալ ու երբ մեր ձիերը մրցման կը բոնուին ու բաղդս կը բերէ՛ որ իմ «ձի»ս իրը յաղթէ, Տէր Խորէն կը տրանջայ որ այդ օրը իր «ձի»ն ծեր է, մինչ իմս երիտասարդ «նժոյդ» մը…։


Անշուշտ ճշմարտութիւն կայ «Մարդագի»երը կ'ու-նենան իմ սենդերս» Տէր Խորէնեան տրամաբանութեան մէջ։ Բայց հարցը ասովով չի վերջանար։ Այդ անգութ իրականութեան մէջ ո՞վ է աւելի մեղաւորը, այն որ ձիու իրականութեան մէջ ո՞վ է աւելի մեղաւորը, այն յաճախո՞րդը, «որ հակա-պաշտօ՞ն տուած է ինքինքին», յաճախո՞րդը, «որ հակա-ռակ պարագային իր խղճահարութիւնը Տէր Խորէնի տրա-մաբանութիւնովը կրնայ հանդարսեցնել, թէ ոչ եւրո-պական կառավարութիւնը, որ այնտեղ կ'իշխէ եւ իր իրա-պական մէջն է վերջ տալ այդ բարբարոսութեան, ինչ-պէս պիտի տար գերեվաճառութեան։

Բայց ի՞նչ օգուտ մէծ մեղաւորը մատնանշել, երբ ի-րականութիւնը կայ ու կը մնայ իրը փաստը մարդկու-

թիւնը կրծող բազմաթիւ հիւանդութիւններէն մէկուն : Մարդիկ որ ձիու պաշտօն կատարելուն գէմ ընդվզում չունին իրենց հոգիին խորը եւ աչքեր ու խելք չունին տեսնելու եւ փորձելու համար հայց ճարելու աւելի մարդկային եւ տանելի եղանակները, որ ուրիշները կը գործածեն, ու մարդիկ որ զանոնք կը վարձատրեն ծառայութեան փոխարքէն, եւ տակաւին մարդիկ որ օրէնքին արդելիք թումբերը չեն կանգնեցներ անոնց գէմ՝ հիւանդ, ապառողջ ընկերութեան մը եղբերն են, ոչ աւելի, ոչ պակաս : Առողջ Ընկերութիւն մը մէկ ժամ աւելի չպիտի հանդուրժէր այդ հակամարդկային եւ վայրագ տեսարանին :

Արիքաններու այս մասնայատկութենէն դուրս՝ Սին-
կափուղ Արեւելքան միւս քաղաքներուն պէս է, բաժնը-
ւած անխուսափելիօրէն երկութի, Եւրոպականի եւ Տե-
ղականի: Եւրոպական չէնքերը, մանաւանդ ծովեղերքին
վրայ հսկողները իրենց բարձրագիր դիրքերով քիչ մը ա-
մելի կը մօտեցնեն Սինկափուղը արեւմտեան արդիական
քաղաքներուն: Այդ չէնքերուն մէջ են օտար առեւտրա-
կան հիմնարկութիւնները: Շուկան, մանրավաճառու-
թիւնը՝ չինացիին, հնդիկին եւ մալայինն է:

Սինկափուր ամէնէն աւելի չինական քաղաք է, եւ
այդ օրերուն Զինացիները շատ գրգռուած ու վտանգաւոր
տրամադրութեան մէջ էին: Քանի մը օր առաջ յարձա-
կում փորձեր էին սատիկանատան մը վրայ. սատիկանու-
թիւնը կրակ բացեր եւ յարձակողները ետ մղեր էր մէկ
քանին սպաններով: Հիմա խօսքը կար աւելի մեծ պատ-
րաստութիւններով ցոյցերու եւ յարձակումներու, որոնց
դէմ յայտնի կ'երեւէին կառավարութեան նախազգուցու-
թիւնն ու նախադրավարութիւնը: Զինական հարցին ար-
ձագանդն էր որ Սինկափուրի մէջ գլուխ կը բարձրացնէր
չինացին համար աննպաստ պայմաններով: Խուժանը՝
գնդացիրներով եւ հրազէններով զինուած սատիկանու-



թեան դէմ, որուն օգնութեան կը սուրայ զինուորը...:
ի՞նչ պատեհութիւն ունի այդ խուժանը, կոտորուելին
զատ: Ու աւելի մեծ դէպէքու շշուկները կը մնան շշուկ
եւ զբոյց:

«Ոիքա»ներու այս քաղաքին մէջ ալ ունինք հայեր,
շատ քիչ թիւով, հազիւ 35-40, եւ այդ թիւին մէջ «Սին-
կափուրուալաներու անխուսափելի տոկոս մը: Սիրուն,
կոկիկ եկեղեցի մը, կանանչազարդ, ընդարձակ գետնի մը
մէջտեղը կը բարձրանայ, անոր կից քահանաներու բնա-
կարանը, որուն մէջ անցորդ հայերու տրամադրելի սեն-
եակներ ալ կան: Քահանան Տէր Խորէն եւ իր բարի երա-
ժիշտը Սիմոն կը կարդան եւ կ'երգեն հայ եկեղեցիի սովո-
րական աղօթքներն ու շարականները, բայց պատարագի
համար ստիպուած են ապաւինիլ եկեղեցիի համակրելի
կառավարիչ Գրիգոր Հախվէրտեանի բարեացակամու-
թեան կամ հնարաւորութեան: Եթէ հիւրանոցի վարիչի
իր պարտականութիւնները ժամանակ տան անոր, պատա-
րադ տեղի կ'ունենայ, եթէ ոչ, քահանայով եւ մէկ երա-
ժիշտով պատարագ չըլլար: Սինկափուրն ալ Փինէնկի
պատմութեան պիտի հետեւի արդեօք...: Զուղայի ե-
րակները սկսած են ժլատօրէն գուրս դրկել իրենց արիւ-
նը եւ Սինկափուր շատ քիչ բաժին կը ստանայ անկէ:

Սինկափուրի այդ փոքրիկ գաղութին մէջ կան երկու
ընտանիքներ, իտկար եւ Մարդին, որ չշիջած պզգային
զգացումներ ունին եւ առանցքը կը կազմէն «Հայկական
կեանք»ին:

ԴԵՊԻ ՃԱՎԱ

Հ.

Դէպի ճավա ճամբորդութիւնը սկսինք... Բարիզի
Հոլանտական հիւպատոսարանէն: Տարօրինակ սկզբնա-
տորութիւն, բայց ճավան իր հանգստակեաց, գիւրին ու
անհոգ կեանքովը անհասկնալի պիտի ըլլար ինձ համար
առանց այն փորձառութեան, որ Հոլանտական հիւպա-
տոսարանը տուած է ինծի Բարիզի մէջ:

Հնդկաստան երթալու համար Բիլիտանական վիզի
հարկաւոր է. ի հարկէ բոլորը դիտեն ատիկա. բայց քի-
չեր գիտեն թերեւս, թէ արքայութեան այդ բանալին ձեռք
ձգելէ առաջ... քաւարանէ մը պէտք է անցնիլ:

Բարիզի Բիրիտանական հիւպատոսարանը ինծի կ'եր-
կարէ ընդարձակ հարցարան մը, պէտք է լեցնեմ զայն,
պէտք է զրկուի լոնտոն, Հնդկական գործերու նախա-
րարը պէտք է քննէ լեցուած հարցարանը եւ տայ իր վը-
ճիոր, հաստատական կամ ժխտական...:

Եւ ինչե՛ր չկան այդ հարցարանին մէջ. ամբողջ Ծը-
նընդոց գերքը եւ ... աւելին: Օրինակի համար, ազքա-
յութեան բանալին փնտող ճամբորդը պէտք է ըսէ թէ,
ինչո՞ւ համար կը փնտոէ զայն, — ինչո՞ւ կ'երթայ Հընդ-
կաստան. թէ 1918-էն ի վեր Ոռուսաստան եւ Ասիական
երկիրներ գացա՞ծ է:

Պարզ է այս հարցումներուն տակ ծածկուած շարժա-
ռիթը, բայց ես չեմ կրնար լուռ ծիծաղ մը զսպել այն ան-
քըննելի՛ իմաստութեան մասին, որ այդ գիւտերուն
ծնունդ տուած է...:

Կարծէք Բիրիտանական հիւպատոսը կամ Հնդկական
գործերու Նախարարը խոստովանահայր ըլլային, որոնց-
մէ ճամբորդը իր մեղքերը չի կրնայ ծածկել, եւ եթէ
Հնդկաստանը համայնավարութեամբ բոնկցնել կ'երթայ,
հաւատարմօրէն այդ պատճառը տայ առաջին հարցումին

իբր պատասխան, եւ եթէ իր Ոռուսաստան գացած ըլլալը
ունէ վտանգաւոր ու գժուարացնող բնոյթ ոմնի, չի թաղ-
ցընէ զայն, իր խոստովանահօր ձգելով թագցուածը ե-
րեւան հանելու գժուար ու թերեւս անկարելի գործը...:

Բայց անքննելի՛ է կառավարութիւններու իմաստու-
թիւնը...: Այդպէ՛ս կը գաւանին իրենք... Երեք շաբաթ
եաք «արքայութեան բանալին» ինծի կը յանձնուի. Լոն-
տոնի մէջ համոզուած են թէ Հնդկիները համայնավա-
րութեան վարախը առաջնորդելու չեմ երթար, ոչ ալ
միտք ունիմ Հնդկաստանը Անդիացիներու ձեռքէն Խը-
լելու...:

Այս անախորժ տրամադրութիւններուն տակ՝ ձեռք
կ'առնեմ Հոլանտական հիւպատոսարանի գուոը, պատ-
րաստուած անդամ մըն ալ անցնելու քաւարանէն, այս
անդամ ձավայի դրախտին գուոը բանալիին հա-
մար: Զէ՞ որ ձավայի մէջ զեռ վերջերը բռնկեր էր քօ-
միւնիստական շարժում մը, ու ատիկա՝ պատճառ մը ա-
ւելի ուրեմն որ Հոլանտական կառավարութիւնը խստա-
ցընէր իր հաւատաքննութիւնը...:

Բայց որքա՞ն մէծ կ'ըլլայ «յուսախարութիւնս», գըժ-
ւար է հաւատալ. հարցարան կայ այստեղ ալ, բայց փոքր
բան մը, «Ծննդոց Գրքին» կարճառութիւնը, որմէ կը
բացակայի «ինչո՞ւ կ'երթաք» ծանօթ հարցումը: Հինգ
վայրկեան չի տեւեր, բանալին յանձնուած է ինծի... տա-
սը տօլարի փոխարէն, որ իր գինն է, այդ ալ չնորհիւ Ա-
մերիկեան ալքատ կառավարութեան: Ամերիկան տարե-
կան մէկ քանի միլիոն տոլար կը գանձէ վիզէի համար ի-
րեն գացող գաղթականներէն, որ յետոյ միլիոններ կը շա-
հին իր հողին վրայ: Իսկ իր այդ օրինակով թոյլ կու-
տայ որ ուրիշ կառավարութիւններ իրը փոխվրէժ քանի
մը անդամ աւելի միլիոններ գանձէն, իրը վիզէի գը-
րամ, այն հարիւր հազարաւոր ամերիկացիներէն, որոնք
այդ օտար երկիրները կ'երթան ամէն տարի դրամ ծախ-

սելու եւ ոչ թէ դրամ շահելու համար : Ու Ամերիկայի կառավարութիւնը գոհ է որ տասը տօլարը կը գանձէ իր եղերքները դիմող ճամբորդէն . . . Ա՛, մի՛շտ անքննելի , խորախորհուրդ իմաստութիւնը կառավարութիւններուն :

Հոլանտական հիւալատոսարանէն կը բաժնուիմ մըտքիս մէջ կրկնելով . Ահա կառավարութիւնը , որ իրեն դիմոդները յիմարներու տեղ չի գներ , ու ատիկա սկիզբն է իրական իմաստութեան , իրական կառավարութեան . . . :

Այդ «փորձառութիւն»ը կը թարմանայ իմ մէջ երբ չոլանտական Մայքր նաւով Սինկափուրէն կը մեկնիմ դէպի Պաթավիս , եւ ինծի կուտայ տեսակ մը հանդարտ սպասման հաճելի զգացումը : Ճավան անպատճառ տարբեր տեղ մը ըլլալու է մինչեւ հիմա տեսածներէս , կը մըտածեմ . Հոլանտական կառավարութիւնը այդ հեռաւոր կղզին վերածած պէտք է ըլլայ օրինակելի գաղթավայրի մը , ուր մարդիկ կը չնչեն աւելի ազատ եւ աւելի հանգիստ եւ զերծ են այն աւելորդ տաղտուկներէն ու հոգեցէն , որ ժողովուրդներու կեանքին մէջ կուգան , շատ յաճախ , կառավարութիւններու չափազանցեալ միջամտութիւններէն ու եռանդէն :

Սինկափուրէն Պաթավիս կարծ ճամբորդութիւն մընէ , հազիւ ճամբորդը կը վարժուի նաւուն , արդէն երրորդ օրուան առաւօտը Պաթավիայի տեսարանները կը դիմէ եւ իր նաւը ճկուն շարժումներով որ Հոլանտացին ծովային յատկութիւններն ու աւանդութիւնները կ'արդարացնեն , կը մօտենայ եւ կը փակի քարափին :

Անցագրերու քննութիւնը կը սկսի Մայքրի վրայ եւ ես երկրորդ հաճելի «փորձառութիւն»ը կ'ունենամ այդ խելացի կառավարութենէն : Սինկափուրի մէջ ինծի ըսածէին թէ Պաթավիայի նաւահանդիստը հասնող բոլոր ճամբորդներէն 100ական կիլոտր — 40 տօլար — կը գանձէ կառավարութիւնը . այդ դրամը կը մնայ իրը աւանդ եւ կը վերադառնուի ճամբորդէն , երբ վեց ամիսը լրանալէն ա-

ռաջ կը հեռանայ ձավայէն . վեց ամիսէն ետք՝ դրամը կը պատկանի կառավարութեան :

Հոլանտական կառավարութիւնը այդ պայմանը հաստած է մասնաւորապէս թումբ մը բարձրացնելու յոյսով այն խուժումին դէմ , որ չինացի եւ ճարոնացի գաղթականները կը կատարեն դէպի ձավա : Այդ պայմանէն խուսափելու միջոց մըն է վերադարձի տոմսակը , որ ճամբորդներ կը գնեն Սինկափուրի մէջ :

Այդ պայմանը գոհացնելու կանխապատրաստուած՝ կը մօտենամ եւ անցագիրս կը յանձնեմ պաշտօնեային : Կը պատասխանեմ «Ոլքա՞ն պիտի մնաս եւ վերադարձի տոմսակ ունի՞ս» հարցումներուն : «Լա՛ւ , Պաթավիս կը գնես» կ'ըսէ ժպտելով եւ անցագրիս վրայ օրուան թուականը նշանակելով , ինծի կը յանձնէ :

Խօսքը չկայ հարիւր կիլտը աւանդին . . . :

Բարիզի Հոլանտական հիւալատոսարանի փորձառութիւնս թոյլ չի տար որ զարմանքի մէծ զգացում մը ունենամ , ոչ ալ չողոքորթուած կը զգամ պաշտօնեային այդ վարմունքով : Գործս Կառավարութեան մը հետ է , կը մըտածեմ , որ գիտէ տրամաբանութիւն գործածել իր գործերուն եւ իր օրէնքներուն գործադրութեան մէջ : Հարիւր կիլտը պայմանը դրուած է որոշ տեսակի խուժում մը արդիկելու նպատակով կամ յոյսով : Ոչինչ կար իմ վրայ որ յայտնէր թէ այդ «խուժում»ին մաս կը կազմեմ , թէ կ'երթամ բեռ ըլլալ , կամ շահագործել ձավան : Ինչո՞ւ անմեղները մեղաւորներէն չի զատել եւ վերջիններուն համար սահմանուած պայմաններէն ազատ չի պահել առաջնները :

Կառավարութիւնը այդ տրամաբանական եղանակն էր որ կը գործադրէր եւ ինծի ցոյց տրուած վերաբերումը՝ ատոր հետեւանքն էր պարզապէս :

Եթէ միայն բոլոր կառավարութիւնները տրամաբանական ըլլային այդպէս , որքան անախորժութիւններ եւ գժգոհութիւններ գոյութեան իրաւունքէ պիտի զրկուէին :

Թեթեւ, ուրախ սրտով եւ թեթեւ քայլերով կ'իջնեմ
նաւուն սանդուխներէն։ Անկեղծութեան եւ վստահու-
թեան մթնոլորտին մէջ մարդ աղատ կը չնչէ։

Պաթավիայի նաւահանգիստը բաւական հեռու է քա-
ղաքէն։ ինքնաշարժի արագ զնացքով կէս ժամ կ'առնէ,
մինչեւ քաղաքին կերոնը։ Բայց ի՞նչ է կէս ժամը իրա-
պէս յանկուցիչ տեսարաններու մէջն։ Թարմ, առոյդ
կանանչութիւն մը ճամբուն երկու կողմը եւ ջինջ ու ըդ-
մայլելի կապոյտով երկինք մը՝ գարնանային առաւու-
եան մը բոլոր հրապոյրներովը կը լեցնեն աչքերը։

Եւ իրապէս ձավա անվերջանալի պարտէկ մըն է, որ
կը սկսի Պաթավիայի նաւահանգիստէն եւ կը շարունա-
կուի, կը տարածուի ամէն կողմ։

Կանանչութիւնով շրջապատուած, կանանչութեան
մէջ թաղուած քաղաք մըն է Պաթավիան, կանոններու
սեղմումներէն աղատ՝ անփութօրէն փուռած իր պէս առ-
նուազն երեք քաղաքի տեղ ունեցող ընդարձակ տարածու-
թեան մը վրայ։

Առաջին վայրկեանէն՝ հանգստաէտութեան եւ գո-
հունակ կեանքի տպաւորութիւնն է որ կը ստացուի։ Այդ-
պէս են առները, այդպէս են մարդեկը։

Տուները առհասարակ միայնականի են, եւ ամէն
տան առաջամասը օղին առջեւ աղատ ձգուած պատըշ-
գամաձեւ սենեակ մը ունի, ուր ձավացին իր հանգիստի
ժամերը կ'անցնէ հանգստակեաց աթոռներու վրայ այն
տեսակ գոհունակութեամբ մը, որ կարծէք իր համար ոչ
վաղ, ոչ ալ հոգ գոյութիւն ունին։

Եւ այդ տպաւորութիւնը միայն հարուստին, բարե-
կեցիկին տունէն չէ որ կը ստացուի։ մացառուտին մէջ
ծածկուած բնիկին ամենափոքր հիւղակն իսկ հանգստա-
էտութեան եւ հանգիստ կեանքի այդ հովն ունի իր վր-
բայ։

Աշխարհի մէջ ուրիշ ոչ մէկ տեղ չեմ հանդիպած ընդ-
հանուր հանգիստին որ ձավայի մէջ ապրողներու առանձ-

նաշնորհումն է։ Կը քալեն, բայց արտօրանք չունին, հան-
գիստ մը կ'ըմբուշնեն քալելուն մէջ կ'աշխատին եւ հան-
գըստութեան երեւոյթը կայ իրենց աշխատանքին վրայ,
կը խօսին հանդարտորէն, իրենց ոյժերը խնայողներու հո-
գածութեամբ……

Ոչ ալ ձավա ապրողը իր հանգիստը կը զոհէ պատշա-
ճութեան եւ սովորութեան։ Կալկաթայի մէջ կրակ թա-
փած ատեն իսկ՝ սպիտակ մարդը ստիպուած էր «հագուս-
տի պատշաճութիւն»ը պահել հիւրանոցին մէջ, հիւրանո-
ցէն դուրս։

Ձավայի մէջ հիւրանոցի սենեակները այնքան ներք-
նամաս ունին, որքան առաջամաս, եւ սպիտակ մարդը եւ
կինը իրենց մերկ ոտքերն ու գիշերանոցը օրուան ո եւ է
ժամուն հիւրանոցի միւս բնակիչներուն ցոյց տալուն մէջ
• մազաշափ անզատշաճութիւն չեն տեսներ։ Հանգի՛ստ,
հանգի՛ստ, հանգի՛ստ, ձավացիի նշանաբանը, որմէ չի
հրաժարիր ուեւէ գնուլ։

Ու ձավացիին առաքինութիւնն է մաքրասիրութիւնը։
Բնիկն անգամ օրական իր երկու լոգանքը պէտք է ընէ։
Որքա՛ն մեծ տարբերութիւն Հնդկաստանի բնիկին եւ ձա-
վայի բնիկին միջեւ։

Կառավարութիւնը քաղաքին մէջ արուեստական ա-
ռուներ շնած է։ տեսնելու է թէ բնիկները ինչպէս կը
վայելն իրենց լոգանքը այդ առուներուն մէջ։

Ու ձավան... ոիֆշա ալ չունի։ քաղաքակրթութեան
իր ամէնէն մեծ յատկանիշը «ուիքաներու քաղաքէն» ե-
կողին համար։ Փոքրիկ, սիրուն ձիեր եւ քիչ մը տարօ-
րինակ ձեւով փոքր կառքեր, որ միայն ձավայի մէջ կան,
կը փոխարինեն Սինկափուրի չինացին եւ ոիֆշան։

Ուրիշ զգացում մը՝ ապահովութեան զգացումն է։
ձավայի մէջ մարդ աւելորդ կը նկատէ սոսիկանի ներկա-
յութիւնը։ Արդէն շատ քիչ տեսանելի է այդ ներկայու-
թիւնը։ Ո՞վ իր հանգիստը պիտի խանդարէ եւ չարիք ու
վնաս հասցնէ ուրիշն։

Հոլանտա իրօք կրնայ պարծիւ իբր գաղթային կառա-
վարութիւն եւ ձավան կրնայ օրինակ ծառայել ուրիշ
գաղթավայրերու:

Հայկական փոքրիկ գաղութ մը ունինք Պաթավիայի
մէջ, հաղիւ 60 հոգիէ բաղկացած: Անցեալին շատ աւելի
մեծ եղած է այդ թիւը եւ եղած են շատ հարուստ հայեր:
Նոր քաղաքին, Ուէլթըլթէտլնի մէջ լնդարձակ գաշտ մը
կայ, չփեղ, տուներով շրջապատուած: Այդ տուներէն շա-
տերը, կ'ըսեն, հայերու պատկանած են անցեալին:


Այդ դաշտին կից է եկեղեցին: Հայ հարուստները
անհետացեց են, իրենց տուները ուրիշներու ձեռքն են
անցեր, բայց կան ու կը մնան եկեղեցին եւ իր կալուած-
ները: Այդ կալուածներու հասոյթով այս տարի եկեղե-
ցի մը պիտի շինուի Սուրբայայի մէջ, ուր հիմա աւելի
մեծ թիւով հայեր կան: Այդ որոշումին եկած են միայն
այս Ապրիլի համագումարին մէջ, Սուրբայայի եւ Պա-
թավիայի միջեւ երկարատեւ պայքարէ մը ետք:

Եւ լաւ որ այդ որոշումը տրուած է, Սուրբայացին
պիտի օգտուի իր եկեղեցին, սրահէն, գպրոցէն, մինչ-
դեռ Պաթավիայի եկեղեցին միայն աւանդութիւնն ու սո-
վորութիւնները պահելու կը ծառայէ, ու ատիկա հակա-
ռակ այն իրողութեան, որ Զուղայի զարդացած քահա-
նաներէն մէկը, Տէր Վարդան, կը պաշտօնավարէ հիմա:

Զատիկի Կիրակին հաղիւ 25-30 հոգի կան եկեղեցին
եւ արարողութիւնը կը կատարուի երկու «երաժիշտ»նե-
րով: Եւ ինչ երաժշտութիւն: Խեղճ Տէր Վարդանի քաղցր
ձայնը եւ երգեցողութիւնը կը վտանգուին միւսներուն
ստեղծած վերջին ծայր անախորժ աններդաշնակութեան
մէջ:

Այդպէս է եկեղեցին, իր ամէնէն փառայեղ մէկ օր-
ուան մէջ...: Դպրոցը՝ միայն չէնքին ճակատը գրուած
անունն է...:

Վաթսուն թիւը շատ մեծ թիւ չէ, բայց այդքանով ալ
եւ մեռեներուն ձգած դիւրութիւններուն օժանդակու-



Զալիս ա՞ Հուշ նորանի, Տիկի Յունիքի իրաման, Յունիքի կազին, Տալիսան Գալուստին, Վարդան Գա-

թիւնովը շատ աւելի լաւ հայկական կեանք կարելի էր ունենալ, եթէ այդ թիւն ալ կիսուած ըլլար Զուղացիներու եւ «հոլանտիացած» հայերու միջեւ։ Վերջինները կորսնցուցած են լեզուն եւ հայկական կեանքի հետ ամէն տեսակ շփում։ Հազուագիւտ քիչերն են որ այդպէս չեն։ Ասոնք, սակայն, մէկ կապ հոգածութեամբ կը պահեն — եկեղեցի կ'երթան, երբ քուէ տալու եւ եկեղեցական վարչութիւն ընտրելու հարց կայ եւ եկեղեցիի հարստութեան Սուրպայացիներուն ձեռքը իյնալու վտանգը կը նշմարուի . . . :

Եիջելու մօտ կանթեղի մը պէս է Պաթավիայի Հայութեան կեանքը։ Զեռքի մատներով համրուած մարդիկ, որ սէրն ունին իրենց ազգին ու հայրենիքին, կ'աշխատին այդ շիջումը արգելել, նոր իւղ լեցնելով կանթեղին մէջ։ Դուրսէն զրկուած եւ զրկուելիք ներշնչումներ պիտի դիւրացնեն կատարուած աշխատութիւնը եւ արգելեն որ պատմութեան անյատակ ծովին մէջ թաղուի եւ անյատանայ այդ գաղութը։

ՍՈՒՐՊԱՅԱՅԻ ՄԵԶ

Թ.

Պաթավիայէն Սուրպայայա 19-20 ժամուան երկաթուղային ճամբորդութիւն մըն է, բայց ձավայի բնիկին հանգիստի վիլխասովայութիւնը անհրաժեշտ դարձուցած է որ այդ ճամբորդութիւնը կատարուի երկու օրուան մէջ։ Մարգիկը չեն հաւատար գիշերային աշխատանքին, քանի որ այդ ժամերը սահմանուած են քունի եւ հանգիստի . . .։ Պաթավիայէն մեկնող երկաթուղիները ճամբորդութիւնը կ'ընդհատեն կամ Պանտոնկի եւ կամ ձօքնայի մէջ եւ գիշերը անցնելէ ետք, յաջորդ առաւօտ կանուխ կը շարունակեն դէպի Սուրպայա։

Ճավայի երկաթուղին Հնդկաստանին բաղդատամամբ քիչ մը մաքուր է, իսկ տեսարանը, ամբողջ երկայնութեան վրայ, Պաթավիայի նաւահանդիսաը սկսած կանանչութեան շարունակութիւնն է:


Դնդակ բան մըն է բնիկներու գաշտային աշխատանքը. առ հասարակ զրուած ածուներու մէջ մինչեւ ծունկերնին խրուած եւ հասարակածային արեւու կլզիչ ճառագայթներուն դէմ անպաշտպան՝ կ'աշխատին: Բայց նոյն իսկ այդ աշխատանքին մէջ՝ հանդիսափ հոգեկան վիճակ մը կը ցոլանայ, մեղմելով նորեկ ճամբորդին զգացած առաջին դժնդակ եւ անդութ տպաւորութիւնը:

Իրեկունը ութին ՚ը հասնիմ Սուրպայայի կայարանը եւ Հայու մը, Ղուկաս Սարգիսի «Օրանյի հիւրանոց»ին մէջ տեղաւորուելէ ետք՝ կ'երթամ «Կործանուած»ի ներկայացումին:

Եիրուանզատէի այդ թատերախաղը մէկէ աւելի անդամներ տեսած եմ, հետեւաբար նոր հետաքրքրութիւն մը չունի ան ինձ համար: Ես հետաքրքրուած եմ տեսնելու թէ ի՞նչչիս պիտի արդարանայ Սուրպայայի մէջ հայերէն ներկայացում տալու յանդունութիւնը . . . : Այս կասկածու հետաքրքրութիւնս ծագում առած էր այն նահատակութենէն, որ հայերէն լեզուն կը տեսնէի թէ կը կրէր, ամէն օր, այցելած քաղաքներուն մէջ:

Լաւ բազմութիւն մը կայ թատերասրահը. առաջին բարենիշը՝ Սուրպայայի Հայութեան համար, կը մտածէմ: Բարիզէն մեկնելէս ի վեր հայկական առաջին խոշոր համախմբումն է, որուն կը հանդիպիմ:

Հայրապետ Տէր Պսակ Յակոբեան, որուն հայրենասիրական խորունկ զգացումներուն եւ անթերի բարեկըրթութեան յետոյ ծանօթանալու առիթ պիտի ունենայի, հանդէսի բացման խօսքը կ'ընէ մաքուր հայերէնով մը եւ շահեկան խորհրդածութիւններով: Հաճելի զարմանք մը հոգիս բերկրանքով կը լեցնէ եւ կասկածու հետաքրքրու-



Մայ յուղապահուածու վահանական բանականութեան մասին

թիւնս կը փոխուի գեղարուեստական իրիկուն մը վայելիու վստահ հետաքրքրութեան :

Հայ երկսեռ նուազածուներու խումբը, որ վերջերը կազմուած է, բացման խօսքին կը հետեւի մէկ քանի կը տորներու նուազածութեամբ։ Յաջող եւ ծափահարելի՝ իրը սկզբաւորութիւն :

Բացուած վարագոյրը լաւ յարդարուած բեմ մը երեւան կը բերէ, որուն վրայ յաջորդաբար գերակատարները կուգան սիրող արուեստագէտի իրենց յատկութիւնները եւ չնորհները ցուցադրելու : Մաքուր եւ հասկնալի է խօսուած լեզուին առողանութիւնը, իսկ ոմանց խաղարկութիւնը կը յայտնաբերէ գերասանական բնածին յատկութիւն եւ վարժութիւն :

Յաջող եւ բնական Սենեքերիմ Սահառունի մըն է Մկրտիչ Տէր Պատկ Յակոբեան, իր զաւկէն կրած յոյսի եւ յուսահատութեան, ուրախութեան եւ տիրութեան փոփոխակի ապրումներուն մէջ :

Թատերախաղի հերոսը, Արտաշէսը, անձնաւորող Գառնիկ Յորդանանեան իր տիպարը կը թարգմանէ գիտակից հարազատութեամբ մը, որուն մէջ, բեմական խօսքէն աւելի՝ բեմական կեցուածքի, շարժումներու եւ դէմքի խօսումութեան ընդունակութիւնը կը չեշտուի :

Օր. Կլէտիս Պալստեան սիրուն եւ ախորժալուր առողջանութեամբ եւ քնքուշ ու հապուրիչ խաղարկութեամբ կ'անձնաւորէ Անահիտը։ Մանրանկար . . . էլիզ Գովան մը, դէմքի ալ որոշ նմանութեամբ, հեռաւոր Սուրպայայի այդ բեմին վրայ :

Տիկին Բալասան Մելգոնեան Արտաշէսի բարի եւ դատապարտուած մօր խանդավառ ակնկալութիւններն ու այդ ակնկալութիւններուն վլուզումը կ'արտայայտէ վարժ եւ չնորհալի խաղարկութեամբ մը, քիչ մը նուազութեամբ, քան որ անհրաժեշտ էր, մայրական այդ երջանիկ եւ ապերջանիկ ապրումները աւելի տպաւորիչ ու ցնցող գարձնելու համար :

Հարուստ Ալվանտեանի աղջիկը, ֆլորան, Շիրվան-զատէի ստեղծած տիպերուն ամէնէն յաջողներէն մէկը, իր խսկական մարմնացումը կը դանէ Տիկին Մէլքի Յով-սէփեանի մէջ: Գեղեցիկ երաժշտութեան մը չափ հաճելի առողանութիւն եւ մերթ անչափելի աղնուութիւն արտա-յայտող բարի աչքեր, մերթ վիրաւորուած սրտի զայրոյ-թը ցոլացնող շանթալից նայուածքներ կը բնորոշեն իր սիրուն խաղարկութիւնը:

Տիկին Լուսի Ապտէրհալտրն — Հոլանտացիի հետ ա-մուսնացած հայուհի մը — չէ թափանցած նոյեմզպարի գերին, որ կը պահանջէ յախուռն, բիրտ եւ աղատ բնա-տորութեան եւ շարժումներու ցուցադրութիւն մը: Իր խաղը, թերեւս իր խառնուածքին բերումով, մեղմ է եւ այդ յեղափոխական աղջկան տիպարը կը զրկէ իր «սոս-կալիութենէն»:

Տիկին Խաղիկեան յաջող նազանի մըն է եւ իր խաղու-կից Հայկ Արդարի հետ կուռ կուչտ կը խնդացնեն ներ-կաները: Օր. Նիքոլոյ՝ Սօֆիին կ'անձնաւորէ վայելչագեղ շնորհով մը:

Միւս գերակատարները, Մարտիրոս Յորդանանեան, Վահան Յորդանանեան, Ռուբէն Յովհաննէսեան եւ Ս. Ս. Դաւիթեան, կը պահպանեն խաղին ներդաշնակութիւնը: Աստիկանը, Պակրամ, իր կատարելիք գերէն սարսափա-ծի գէմքով կուգայ բեմին վրայ եւ վատահօրէն դոհ է որ տակէ կ'ազատի Արտաշէսի անձնասպանութեամբը...:

Կէս գիշերէն քիչ ուշ վերջին վարագոյրը կ'իջնէ: Սի-րողներու խումբի մը համար յաղթանակ մը եղած է ներ-կայացումը, յայտնաբերելով ինամուտ եւ ծանր աշխա-տանք ու պատրաստութիւն:

Ու կը սկսին պարերը տեւելու համար մինչեւ արշա-լոյս: Բայց տկար է ոգեւորութիւնը ու ատիկա կը վերա-գրեն ներկայացումին թողած տիրեցուցիչ տպաւորու-թեան: Շիրվանզատէ իր հերոսը «անձնասպան» ընելով, յաջողած է իր թատերախաղին տալ արցունք քաղող ող-

թերգական վախճան մը, թէեւ միշտ ալ անհասկնալի պի-տի մնայ թէ խաղի հերոսին անձնակա՞ն տկարութեան փաստն է այդ անձնասպանութիւնը, թէ ոչ, հեղինակը այդ արարքով ուզած է պարտութեան մատնել միջազ-գայնականութիւնը, աղջայնականութեան հետ ունեցած իր կոլիւին մէջ...:

Առաւօտեան դէմ կը հեռանամ սրահէն, կազդուր-ուած հայկական ու ընկերական այն տաք մթնոլորտովն ու վերաբերումովը, որ այն տեղ գտած էի անակնկալօ-րէն: Տարակոյս չկայ թէ Սուրպայայի գաղութը տարբեր գաղութ է Պօմպէէն սկսած տեսածներուս մէջ:

Այդ տպաւորութիւնը հետզհետէ աւելի կը չեշտուի եւ համոզում կը դառնայ երբ աւելի մօտէն կը ծանօթա-նամ իրենց եւ իրենց հասարակական ոգիին ու գործու-նէութեան: Սուրպայացին հայ է մինչեւ եղունգին ծայ-րը: Կը պահէ իր լեզուն եւ զայն կը սորվեցնէ նոյն խոկ իր... հոլանտացի հարսին եւ կը հայացնէ իր հոլանտացի փեսան: Բոլորովին հակառակը՝ Կալկաթայի պատկերին: Հոլանտուհի մը, Տիկին Օնի Լուքըս, հանդէսի մը մէջ հայերէն երգեր կ'երգէր յատակ արտասանութեամբ եւ յետոյ խօսակցութեան մը մէջ հպարտօրէն կը հաւաստէր թէ «Երկու տարի է պսակուեր է եւ երկու տարուան մէջ սորվեր է Զուլցի հայերէնը...»:

Սուրպայացին ունի իր փոքրիկ դպրոցը իր փոքրիկ-ներուն համար եւ յոյս ունի որ այդ դպրոցը աւելի պիտի մեծցնէ, երբ եկեղեցիի շինութեան հետ ունենայ իր սե-փական դպրոցի չէնքը:

Ունի իր Հայուհիներու Միութիւնը, որ իր գործու-նէութեան նպատակակէտը ըրած է նոր Զուլցի պէտ-քերը:

Ամէնէն փառաւորը՝ Սուրպայացին ունի իր Մար-զական Ակումբը, քաղաքէն քիչ դուրս ընդարձակ, սիրուն դաշտով մը, որուն վրայ կը ծածանի Ա. Տ. Ս. (Armenian Sporting Club) դրօշակը: Հայկական այդ Ակումբին

կ'անդամակցին շատ թիւով Անգլիացիներ, Հոլանտացիներ եւ Ճարոնացիներ...:

Հայութեան դէմ բարձրացած պատուարներ չկան այս քաղաքին մէջ. բոլոր ակումբները բաց են իր առջեւ, իսկ իր ակումբը շատ ժողովրդական է օտարներու համար: Հայ երիտասարդութիւնը, Անգլիացին եւ Հոլանտացին հետ հաւասարութեան գեանի վրայ, կ'ունենայ իր շրփումը, իր խաղերը, իր մրցումները:


Սուրպայացին կը սիրէ իր այդ կազմակերպութիւնը, եւ այդ դաշտն ու ակումբը դարձուցած է իր ընկերային ու ընտանեկան հանդիպումներուն եւ հաւաքական զրոսանքներուն կեղունատեղին:

Տաք եւ անկեղծ հով մը կայ այս գաղութին վրայ: Կապուած են իրարու մեծ տունի մը անդամներուն պէս: Մեւ կատու չանցնիր իրենց մէջ:

Սուրպայացին հայրենասէր է եւ խանդավառ՝ Հայաստանի վերածնունդով: Սիրելի յիշողութիւն մը պիտի մնայ ինձ համար այն գիշերը, ուր Հայաստանի մասին խօսակցութիւն մը, որ սկսած էր իրիկուան 6.30ին եւ պէտք էր վերջանար 8ին, տուն վերադառնալու եւ ճաշելու պատեհութիւն տալու համար, Սուրպայացիին վառ հետաքրքրութիւնովն ու հարցասիրութիւնովը շարունակուեցաւ մինչեւ առաւտօեան երկուքը: Կէս գիշերին մօտքաղբէն բերուած սէնուիչները փոխարինեցին այդ անակնկալ գիշերուան ընթրիքը...:

Այս փայլուն պատկերին վրայ՝ միայն մէկ աղօտ ստուեր կը յածի: Սուրպայացին չէ յաջողած պահպանել իր տնտեսական գերակշիռ գիրքը: Աւանդավէպի պէս կը չնչէ այն իրական պատմութիւնը որ այս գաղութի մօտիկ անցեալինն է, մինչդեռ ներկան կը նմանի հնձուած լիառատ արտի մը վրայէն մնացորդ մանր ու հատկառը հասկերը քաղելու աշխատանքի պատկերին:

Դեռ 6-7 տարի առաջ այսեղ ապրած է Աբգար մը, տէր հսկայ հողերու եւ գործարաններու, որոնց արտա-



ՍՈՒՐՊԱՅԱՑԻ. — Զարդեն աշխատավոր կամացին ՄԵԶ
Շառուղին աշխատավոր կամացին Յանձնական մարտահան, Տիկի. Պալատան Վարդանանցին,
Հրահ հրահան, Տիկի. Մարտահան Յանձնական մարտահան:
Կամքանական մարտահան: — Զարդեն աշխատավոր կամացին Յանձնական մարտահան, Տիկի. Մարտահան Յանձնական մարտահան, Գանձին Յանձնական մարտահան:

դրութիւնները սեփական երկաթուղագծով կը փոխադրուէին դէպի որոշ կեդրոն։ Անոր գործին մէջ աշխատութիւն դառած եւ բարեկեցօրէն ապրած են բազմաթիւ Հայեր։

Այսօր ոսկեղին աւանդավէպ մըն է ատիկա, որ Սուրպայացին կը պատմէ, վշտագին չեշտ մը իր ձայնին մէջ։ Տնտեսական այդ խոշոր հիմնարկութիւնը վաճառուած, Հայ աշխատաւորները ցրուած եւ զրկուած……։

Ու Գէորգ Աբգարի պատմութիւնը միակը չէ։ ուրիշ տուններ ալ կամ բոլորովին չիջած են անոր պէս, եւ կամ, բոցավառ ջահերու նման փայլելէ ետք՝ ձիթաիւղի ճրագի հոգեվարքային լոյսը կ'արձակեն։

Ինչ Հսկայ տարբերութիւն հայ տնտեսական ձեռնարկներու եւ Բրիտանական տնտեսական ձեռնարկներու պատմութեան մէջ։ Բրիտանական տուն մը, Թրէյզը կնտիքն իր հարիւրամեակը կը տոնէ երկու օր տեւող հանդիսութիւններով եւ խրախճանքներով……։ Հարիւր տարի, եւ այսօր աւելի առոյդ եւ ուժեղ, քան ոեւէ ատեն։ Կաղմակերպական ողի, յարատեւութեան առաքինութիւն եւ թարմ արիւնի ներարկում՝ այդ հրաշքը դործած են։ Առոնց բացակայութիւնը անժամանակօրէն խաւարեցուցած ու խամրեցուցած է հայկական ձեռնարկներու փայլուն կեանքը։

Հիացող չեմ հարուստներուն, հարստութիւնը չի չըլացներ զիս, բայց առանց ցաւի չէ որ այս նօթերուն մէջ անդամ մըն ալ կ'արձանագրեմ այդ երեւոյթը։ Երբ մարդկութիւնը իր մղած արիւնոտ թէ անարիւն կոիւներուն ծանրութեան կէտն ըրած է տնտեսական հարցը, պիտի չուզէի որ հին, ժանդուած զէնքերով դուրս դայլնք այդ կոիւի դաշտը եւ կոխկրտուէինք զանցառելի քանակութեան մը պէս, ամէն կողմ։

Այդ դաշտը մենք ստեղծած չենք, մեր նախասիրածը չէ, քանի որ հոգին եւ իմացական ստեղծագործող ուժը ամէն ինչ չեն անոր մէջ, բայց զիս կը սոսկացնէ Հայուն

տկարութեան եւ պարտութեան դաղափարը՝ ոեւէ կոիւի մէջ, ոեւէ դաշտի վրայ: Այդ է պատճառը որ անհետացած Արգարը կը տիրեցնէ զիս, ապրող «Քարիւղի Հայթագաւոր»ը կուրախացնէ զիս...:

... Սուրպայացի լաւ Հայուն փայլուն օրերու վերադարձ բաղձալով՝ հրաժեշտ առնենք իրմէ «Թռչող այցելութիւն» մը տալու համար Մակասարի փոքրաթիւ Հայութեան եւ սկսելու համար վերադարձի երկար, անվերջանալի ճամբորդութեան:

ԴԵՊԻ ՄԱԿԱՍԱՐ ԵՒ ՎԵՐԱԴԱՐՁ

Ժ.

Հոլանտական Ընկերութեան մը «Բըմֆիլս» շոգենաւը 36 ժամուան մէջ կը կտրէ Սուրպայացի եւ Սէլէպէսի գլխաւոր քաղաքին, Մակասարի միջեւ տարածուող հեռաւորութիւնը: Ճամբուն վրայ մեր նաւը միայն քանի մը վայրկեան կանդ կ'առնէ Պալի կղզիին առջեւ, առանց հնարաւորութիւն տալու որ ճամբորդներ այցելութիւն առն ցամաքին:

Թարմ կանանչութեան մը տակ ծածկուած այդ կըդզին ծովին դիտողին շատ գեղեցիկ բնանկար մը կը պարզէ, իսկ կը պատմեն թէ բնիկներու կեանքը ունի հետաքրական եւ որոշ մասնայատկութիւններ: Օրինակի համար, կ'ըսեն, թէ կիները արտասովորօքն ուժեղ են իրենք կը կատարեն ամէն տեսակ աշխատութիւն, ձգելով որ այրերը իրենց ժամանակը անցնեն պարով եւ ուրիշ ժամանցներով:

Նաւը առաւօտ կանուխ կը հասնի Մակասարի քարափը, ուր եկած է նաւէն զիս առնելու Սիմոն Կրէտ, Հայրենասէր, տաքսիրտ եւ աղնիւ երիտասարդ մը:

Շատ փոքրաթիւ Հայութիւն մը միայն կայ այս քաղաքին մէջ հաղիւ 30-35 հոդիէ բաղկացած, եւ ես չնորհիւ Կրէտի բարեացակամ պատրաստակամութեան՝ դըժուարութիւն չեմ ունենար անմիջապէս տեսնելու ատոնց մեծագոյն մասը: Կը հետաքրքրուին աշխարհի այդ հեռաւոր մէկ անկիւնին մէջ Հայ հասարակական կեանք ստեղծելու եւ ազգային պատրականութիւն կատարելու թելաբութիւններով: Կը խոստանան: Երանի թէ պահեն իրենց խոստումը ատիկա պիտի մեղմէ աքսորականի իրենց կղզիացած կեանքին գառնութիւնները եւ լեցնէ իրենց հոդիին պարապութիւնը:

Տնտեսապէս այս պղտիկ գաղութին պատմութիւնը նման է Սուրպայացի գաղութի պատմութեան: Ունեցած են իրենց ոսկեղէն շրջանը եւ հիմա արագասահ վայրէջքն է արդէն: Երկու մեծ ընկերութիւններ ալ այդ օրերուն իրենց հաշուեյարդարը կատարելու ձեռնարկած էին: Տնտեսական հողին վրայ հայկական այդ տեղատուութիւնը արժանի է խորունկ ուշագրութեան եւ ուսումնասիրութեան, որպէս զի նոր խթաններ գտնուին եւ վերսկսի մակընթացութիւնը, քաղաքական տնտեսագիտութեան օրէնքներով ուժովցած եւ տեւականացած:

Մակասարէն վերադարձիս ճամբուս վրայ կ'այցելեմ Պանտոնկ-Լէմպանկի շատ փոքրաթիւ Հայութեան: Թիւի փոքրութիւն, բայց տաք զգացումներու, հետաքրքրութեան եւ զոհողութեան ոզիի առատութիւն, ահա ինչ որ երեւան կուգայ Լէմպանկի բարձունքին վրայ հրաշալի տեսարաններով շրջապատուած հիւրանոցի մէկ սենեակին մէջ, ուր հաւաքուած են այդ «գաղութ»ին 3-4 ընտանիքները, զրեթէ ամբողջութիւնը: Այստեղ են համակերպի եւ հայրենասէր Պոլտին եւ Մայքլը, Հայ մինչեւ իրենց ոսկորին ծուծը: Հիւանդանոցին մէջ կ'այցելեմ

այդ փոքրաթիւ գաղութիւ երրորդ լաւ հայուն, Մէջ Սարգիսի, որուն խօսակցութենէն յայտնի կ'ըլլայ թէ լաւ կապ պահեր է հայկական իրականութեան հետ։ Իր սնարին վրայ են Բարիդէն նոր ստացուած հայկական մէկ քանի հրատարակութիւններ . . . :

Պանտոնիէն ետք երկրորդ այցելութիւն մը Պաթավիայի, ուրիշ հոլանտական «Փլանչիս» շքեղ շոգենաւը զիս կը տանի Սինկափուր, հասցնելու համար Զինաստանէն դէպի Արեւմուտքի ջուրերը մեկնող «Տէլդա» շոգենաւին։

«Տէլդա»ն «Նարքընտա»ի ընկերութեան պատկանող շոգենաւ մըն է եւ զերծ չէ անոր . . . մեղքերէն։ Չորսին համար ծանուցուած իր մեկնումը տեղի կ'ունենայ ժամը վեց ու կէսին։ Իրմէ քայլ մը անդին խարսխած է դերմանական նոր եւ գեղեցիկ շոգենաւ մը, որուն մեկնումը նոյնպէս ծանուցուած է չորսին, եւ այդ նաւը ոչ իսկ մէկ բոպէ ուշ, յաղթական մեկնում մը կը գործէ, իր նուագախումբին խրոխտ եւ ցնցող երաժշտութեան եւ քարափը ողջերթի համար հաւաքուած բազմութեան «բարիերթ»ի աղմուկ-ժխորին մէջ։

Այդ ճշտապահ եւ չէնչող մեկնումը նախանձով ու հացումով կը լեցնէ «Տէլդա»ի նոյն իսկ Անդլիացի ճամբորդները։ Գերմանիոյ «վերահաստատութեան» մէկ նըշանն է ատիկա, հեռաւոր Արեւելքի այդ ջուրերուն վրայ։ Գերմանիան՝ առոյդ, ուժեղ եւ լարուած մեքենականութիւն մըն է նորէն, որ վերսկսած է իր վտանգաւոր մըրցակցութիւնը, 1914ի պատերազմով եւ 1918ի պարտութիւնով ընդհատուած։ Ու մարդ չկրնար, այնքան կարծ ժամանակի մէջ վերսկսուած մրցակցութեան այդ երեւոյթին առջեւ, չի մտածել, թէ եթէ չըլլար Գերման կայսերապաշտներու խելազարութիւնը, որ 1914ի պատերազմը յառաջ բերելուն մէջ կարեւոր գեր մունեցաւ, եթէ տեղի չունենար այդ պատերազմը, Գերմանիա անմըրցելի պիտի գառնար կեանքի բոլոր մարզերուն մէջ։

Մինչեւ այսօր ալ Աղլանտեանի վրայ ամերիկեան եւ անդլիական գրոշակներու տակ նաւարկող ամենամեծ եւ ամենափառայեղ չոգենաւերը 1918ի պարտութեան հետեւանդքով Գերմանիայէն խլուածներն են, իսկ Սինկափուրի քարավիչն գերմանական նոր նաւը կը հեռանայ գէպի ձիարշաւի հրապարակը յառաջացող նազելազեղ եւ անպարտելի նժոյդի մը թեթեւ եւ զուարթ ոստոստումովը, մինչ անդլիական յոդնած նաւը «Տէլդա»ն յօրանջող եւ ձանձրացած մարդու մը երեւոյթն ունի, այդպէս ալ կը դործէ, անտեղի սպասումի սրտմաշիչ ժամեր պարտադրելով իր ճամբորդներուն։

Մեղք վատնուած ժամանակին եւ ուժերուն. ալ աւելի մեղք, որ 1914–1918ի Մեծ Ռէիլը — Մեծ Պատերազմին պատշաճող անունը — չանհետացուց պատերազմի եղենական հակումները եւ ազգեր լոյս արեւուն տակ յառաջ կը տանին Աւելի Մեծ Ռէիլին պատրաստութիւնները . . .

«Տէլդա»ի ճամբորդները առաջին զոհերն են այդ պատրաստութեան . . .։ Հազորագիւտ բացառութեամբ՝ անոնք ամէնքն ալ Զինաստանէն հեռացող Անդլիացի միսիօնարներ եւ առեւտրականներ են, իրենց ընտանիքներով։ Կը փախչին, կամ կը հեռացուին իրենց կառավարութեան ազգարարութեամբը՝ հրգեհին մէջ չի բանուելու համար . . .։ Ասոնց նման տասնեակ հազարներ ալ, կը պատմեն, նաւու կ'սպասեն, Հօնկ-Քօնկի եւ Շանկհայի նաւահանգիստներուն մէջ։ Ասոնք բաղդաւորներն են, որ յաջողած են առաջին պատեհութեամբ ինքզինքնին նետել ծեր, յոդնած «Տէլդա»ին վրայ։ Ա, ոչխարային հոգեբանութիւնը մարդկային զանգուածներուն, որ թոյլ կուտան իրենց կառավարողներուն անբաններու հօտի պէտք քշել զիրենք ուր որ կ'ուզեն եւ կ'օգնեն անոնց զիրենք կոտրելու սահմանուած զէնքերու պատրաստութեան մէջ . . .։ Նոր կոտորածը կընայ վրիպի ատենի մը համար, կընայ ուշանալ, բայց սեւ մուրը պիտի մնայ յարձակու-

ղական եւ աշխարհակալական պատերազմի ոդին արթուն
պահողներուն եւ անոնց հանդէպ հանդուրժանքի մեղքը
գործողներու ճակատներուն վրայ...:

Այս նորատեսակ «տարագիրներ»ու բազմութեամբ
ծանրաբեռնուած «Ճէլլա»ն իրիկուան դէմ հրաժեշտ
կ'առնէ Սինկափուրէն ու երեսը վերջնականալէս կը դար-
ձընէ դէպի Արեւմուտք: Ատիկա իմ ալ վերջին հրաժեշտու
է խորհրդաւոր Ծայրագոյն Արեւելքէն, բայց այդ հրա-
ժեշտը հառաջանք չի խլեր կուրծքէս, ոչ ալ արցունք՝
աչքերէս...:

(Վ Ե Զ)



21645

ՀՐԱՏԱՐԱԿՈՒԹԻՒՆ
«Պ.Ա.Յ.Ք.Ա.Ռ» Ի

Պ Ա Մ Թ Ը

1 9 2 7